

九天應元雷聲普化天尊說玉樞寶經

爾時九天應元雷聲普化天尊在玉清天中與十方諸天帝君會於玉虛九光之殿鬱蕭彌羅之館紫極曲密之房閱太幽碧瑤之笈考洞微明晨之書交頭接耳細議重玄諸多陪臣左右踧踖

天尊宴坐朗誦洞章諸天帝君長吟步虛綵女仙姝散花旋繞復相引領遊戲翠宮羣仙導前先節後鉞龍旂鸞輅飄颻太空並集於玉梵七寶層臺時有雷師皓翁於仙衆中越班而出面

天尊前頰顙作禮勃變長跪上白

天尊言天尊大慈天尊大聖為羣生父為萬靈師今者諸天咸此良覲適見

天尊閱寶笈考瓊書於中祕牘不可縷計惟有玉霄一府所統三十六天内院中司東西

華臺玄館妙閣四府六院及諸有司各分曹局所以總司五雷天臨三界者也

天尊至皇心親庶政此等小毳以何因緣得以趨服願告欲聞

天尊言雷師皓翁爾等仙卿諸勲夙世累行昨生故得玉府登庸瓊宮簡錄今茲勲行視夙昨多爾其悉力雷司委心大部日復日歲復歲勲崇行著性霽神融克證高真即階妙道惟是雷部鬼神晝勞夕役動有捶楚大則考戮屑雲雕雪無有已時檄龍命鷗此息彼作彼所因故爾其耳焉雷師皓翁及諸天諸僊聳耳而默

天尊所坐九鳳丹霞之宸手舉金光明之如意琅風清微綺雲郁麗

天尊寂然良久

天尊言吾昔於千五百劫以先心縫此道遂



位上真意釀此功遂權大化嘗於


大羅元始天尊前以清淨心發廣大願願於
未來世一切衆生天龍鬼神一稱吾名悉使
超渙如所否者吾當以身身之爾等洗心為
爾宣說

天尊言爾諸天人欲聞至道至道深窈不在
其他爾既欲聞無聞者是無聞無見即是真
道聞見亦泯惟爾而已爾尚非有何況於道
不聞而聞何道可談

天尊言道者以誠而入以默而守以柔而用
用誠似愚用默似訥用柔似拙夫如是則可
與忘形可與忘我可與忘忘入道者知止守
道者知謹用道者知微能知微則慧光生能
知謹則聖智全能知止則泰定安泰定安則
聖智全聖智全則慧光生慧光生則與道為
一是名真忘惟其忘而不忘忘無可忘無可

忘者即是至道道在天地天地不知有情無
情惟一無二

天尊言吾今於世何以利生為諸天人演此
妙寶得悟之者俾躋仙阼學道之士信有氣
數夫風土不同則稟受自異故謂之氣智愚
不同則清濁自異故謂之數數繫乎命氣繫
乎天氣數所囿天命所格若得真道愚可以
智濁可以清惟命俾之愚昏昏濁冥冥亦風
土稟受之移之天地神其機使人不知則曰
自然使知其不知則亦曰自然自然之妙雖
妙於知而所以妙則自乎不知然於道則未
始有以愚之濁之諸天聞已四衆咸悅
天尊言吾今所說即是玉樞寶經若未來世
有諸衆生得聞吾名但冥心默想作是念言
九天應元雷聲普化天尊或一聲或五七聲
或千百聲吾即化形十方運心三界使稱名




者咸得如意十方三界諸天諸地日月星辰
山河草木飛走蠢動若有知若無知天龍鬼
神聞諸衆生一稱吾名如有不順者馘首刳
心化為微塵

天尊言吾是九天貞明大聖每月初六及旬
中辛日監觀萬天浮遊三界若或有人欲學
道欲希仙欲追九玄欲釋三災當命正一道
士或自同親友於樓觀於家庭於里社醮水
饋花課誦此經或一過三五過乃至數十百
過即得神清氣爽心廣體胖凡所希求悉應
其感

天尊言身中九靈何不召之一曰天生二曰
無英三曰玄珠四曰正中五曰子丹六曰回
回七曰丹元八曰太淵九曰靈童召之則吉
身中三精何不呼之一曰台光二曰爽靈三
曰幽精呼之則慶五心煩懣六脉搶攘四肢

失寧百節告急宜誦此經

天尊言若或有人五行奇蹇九曜欽歎年逢
刑衝運值剋戰孤辰寡宿羊刃劍鋒劫殺亡
神鬼門約絞祿遭破敗馬落空亡動用兇危
行藏坎壈即誦此經上請天官解天厄地官
解地厄水官解水厄五帝解五方厄四聖解
四時厄南辰解本命厄北斗解一切厄
天尊言沉痾伏枕痼疾壓身積時弗瘳求醫
罔効五神無主四大不收或是五帝三官之
前泰山五道之前日月星辰之前山林草木
之前靈壇古跡之前城隍社廟之前里巷井
竈之前寺觀塔樓之前或地府三十六獄冥
官七十二司有諸冤枉致此牽纏或盟詛呪
誓之所招或債垛負償之所致三世結讐異
劫興仇埒其咎尤庫其執對皆當首謝即誦
此經




天尊言天官符地官符年月日時各有官符
方隅向背各有官符大則官符小則口舌是
有赤口白舌之神以主之凡諸動作興舉出
入起居不知避忌如遇官符口舌則使人擊
聒曉夜煎爇多招唇吻面是背非動致口牙
盟神詛佛始於謗讟終於詬詆由是獄訟生
焉刑憲存焉若欲脫之即誦此經遂得口舌
潛消官符永息

天尊言土皇九壘其司千二百神土侯土伯
土公土母土子土孫土家眷屬若太歲若將
軍若鶴神若太白若九良若劍鋒若雌雄若
金神若火血若身黃若撞命若三煞若七煞
若黃幡豹尾若飛廉刀砧如是等土家神煞
若人興修卜筮一或犯之即致病患以迄喪
亡纔誦此經則萬神皆起天無忌地無忌陰
陽無忌百無禁忌

天尊言世人夫婦其於婚合或犯咸池或犯
天狗三刑六害隔角交加孤陰寡陽天羅地
網艱於嗣息多是孤獨若欲求男即誦此經
當有九天監生大神招神攝風遂生賢子於
其生產之時太乙在門司命在庭或有冤愆
或有鬼魅或有禁忌或有兇厄致令難產請
誦此經即得九天衛房聖母默與抱送故能
臨盆有慶坐草無虞凡有嬰孩在於襁褓為
旃檀神王座下一十五種鬼加諸惱害因多
驚癇宜誦此經

天尊言若人居止鳥鼠送妖蛇蟲嫁孽拋磚
擲瓦驚雞弄狗邀求祭祀以致影脅夢逼及
於姦盜而敢據其所居以為巢穴遂使生人
被惑庭戶不清夜嘯於梁畫瞰其室牛馬犬
豕亦遭瘟疫禍連骨肉災及孳牲淫祠妖社
黨庇神姦弔客頻仍喪車疊出若誦此經即



使鬼精滅爽人物咸寧

天尊言九天雷公將軍五方雷公將軍八方
雲雷將軍五方蠻雷使者雷部總兵使者莫
賺判官發號施令疾如風火有廟可伐有壇
可擊有妖可除有崇可遣李世末法多諸巫
覡邪法流行陰肆魘禱是故上清乃有天延
禁鬼錄茲之庭帝由束妖考邪之房能誦此
經其應如響

天尊言天瘟地瘟二十五瘟天蠱地蠱二十
四蠱天瘵地瘵三十六瘵能誦此經即使瘟
癘清淨蠱毒消除瘵瘵平復亦有其由或者
先亡伏連或者伏屍故炁或者塚訟墓注或
者死冤滌惹或者屍炁感招凡此鬼神或悲
思或恚恨牽連執證並緣注射乘隙伺間乃
得其便故此經者上通三天下徹九泉可以
追薦魂爽超度祖玄

太上遣素車白馬大將軍以監之

天尊言若或有人治裝遠行賊盜騁姦五兵
加害陸行則虎狼蝟蟻磨其牙水行則蛟龍
鼉鼉張其頤或灘瀨有幽枉之冤或風濤有
劫數之會前亡後化捉生代死能於此經皈
命投誠故得水陸平康行藏協吉

天尊言亢陽為虐雨澤愆期稽顙此經應時
甘澍積陰為厲雨水浸淫稽顙此經應時朗
霽祝融扇禍飛火民居赤鼠遊城驚燕黎庶
此經可以懷之海若失經魚鼈妄行洪水稽
天民生墊溺此經可以止之

天尊言世人欲免三災九橫之厄即於靜夜
稽首北辰北辰之上上有三台其星並躔形
如雙目疊為三級以覆斗魁是名天階若人
見之生前無刑囚之憂身後不論沒之苦斗
中復有尊帝二星大如車輪若人見之留形



住世長生神僊皈命此經投心北極即有冥
感斗為天樞中有天罡在內則為廉貞在外
則為破軍雷城十二門並隨天罡之所指罡
星指丑其身未所指者吉所在者凶餘位
皆然若人見之壽可千歲
天尊言世衰道微人無德行不忠君王不孝
父母不敬師長不友兄弟不誠夫婦不義朋
友不畏天地不懼神明不禮三光不重五穀
身三口四大秤小斛殺生害命人百已千姦
私邪淫妖巫叛逆從微至著三官鼓筆太一
移文即付五雷斬勘之司先斬其神後勘其
形斬神誅魂使之顛倒人所鄙賤人所嫌害
人所怨惡以致勘形震屍使之崩裂驅其捲
水役其驅車月覈旬校復有考掠一聞此經
其罪即滅若或有人為雷所噴其屍不舉水
火不受即稱

九天應元雷聲普化天尊作是念言萬神稽
首咸聽

吾命

天尊言此經功德不可思議往昔劫中

神霄玉清真王長生大帝所曾宣說至士授

經皆當剗金置幣盟天以傳

雷師皓翁長跪拜興重白

天尊言是經在處當令土地司命隨所守護

雷部按臨以時稽審若人家有此經至誠安

奉即得祥烟滿庭慶雲蔭軒禍亂不萌吉福

來萃於其亡歿不經地獄所以者何死即往

生生歸善道承

天尊力有此靈通出入起居佩帶此經衆人

所欽鬼神所畏遇諸險難一心稱名

九天應元雷聲普化天尊悉得解脫於是

雷師皓翁對



天尊前而說偈曰

無上玉清王

統天三十六

九天普化君

化形十方界

披髮騎麒麟

赤脚躡層冰

手把九天炁

彌風鞭雷霆

能以智慧力

懾伏諸魔精

濟度長夜魂

利益於眾生

如彼銀河水

千眼千月輪

捨於未來世

永揚天尊教

時雷師皓翁說是偈已

天尊言此經傳世世人未知吾今所治

九天應元府府有九天雷門使者以糾錄典

者廉訪典者佐之復有四司一曰掠剩司二

曰積逮司三曰幽枉司四曰報應司各有大

夫以掌其事吾之所理卿師使相咸贊元化

天尊說是經畢玉梵七寶層臺天花繽紛瓊

香繚繞十方諸天帝君咸稱善哉天龍鬼神

雷部官衆三界萬靈皆大歡喜信受奉行

九天應元雷聲普化天尊說玉樞寶經

無上九霄玉清大梵紫微玄都雷霆玉經

爾時

元始天尊在龍漢元年是歲攝提格太極肇

開三才已立

天尊居皓庭霄度天中與天主及十方諸天

說讚混沌演颺太空靈風流鳴琪琳脩脩慶

雲湧天萬象靜默時有

玉宸大道君

無上老君侍無上老君口與心言我昔無始

劫來種何善根修何善果而得我身超凌三

界上賓玉清為人天師三界所式上以禪

大羅元始之化下以贊上清靈寶之風億劫

遭逢千生慶幸老君未形於言

天尊曰卿勿多歟玉宸大道君能為開陳卿



但諦聽玉宸大道君受
天尊勅乃於皓庭先拜

天尊次揖天主

天尊坐九瓊飛霞翠虛靈光之輦天主侍坐
亦有八景大霞丹晨之輦道君侍
天尊右亦坐玉雲羽霄綺霞大碧之輦而十
方諸天各有青林羽空浮蓋之輦亦有大丹
飛仙五雲散景之輦雜以霄靈流暎玉眸大
仙之車紫琅金耀陽明羽翮之車建九節儻
仙之千胎靈玉幽八素之幡九霞之旆三雲
之旂八鳳吟空九鸞歌梵左仙賓雲右仙賓
霞鈞天廣樂左右羅陳羽衣霓裳前後迭奏
天樂禮畢十華朗清四氣澄霽道君乃自昇
玉華九仙素元之輦舉圭揖仙綿頤萬天歷
覽群真蕭然自適憮然自噫徐及老君曰卿
妙忼太清之境尊居大有之庭人天所瞻龍

神所畏五帝羅拜萬仙侍迎不自為榮仍延
自貶上勤玄覽何至朕言朕為卿陳卿合開
悟老君降輿前玉晨而拜曰朕以元始為父
而以玉宸兄之是不言而悟不憚而知第自
謙勤上溷省覽請霽天威朕當自數老君復
還所坐乃舉金光六素明霞之如意面向
天尊復對道君遂大震威爾時天地震動黑
雲湔湧神風鼓天飛山走嶽萬龍飛躍電火
交飛雲師前呼雨騎後嘯大磬天鼓萬蟄震
驚時有衆中太陽九龍皇君往昔為玄都九
幾九夷滄水使者亦分身為南昌受鍊真人
今受

天尊符命為九天採訪使者越班秉圭翔雲
而出飛乾旋巽端圭再拜拜已長跪於
天尊前乃說呪曰
吾是九老仙都君 勅爾五方雷部神



五方雷神速到壇

敢有後至先滅形

急急如律令

呪已九天採訪使者乃步九龍捲水驅雲飛
輶之罡而遂就座爾時於

天尊之右忽有九斗陽芒流金火鈴大將軍
與火鈴大仙蒼牙霹靂大仙天丁力士六丁
玉女六甲將軍九天彌命風雷使者九天蒼
龍監兵飛雲吏九天流金烈電火吏雷令使
者領諸麒麟虎豹獅象白澤兵馬部眾至皓
庭所倏於九天採訪使者之前環階列序羅
拜輿下使者告言爾等知否吾昔於混沌無
始以前大樸以先亦有三才亦分三界吾於
彼時是為五雷君是所部所屬又隸於無上
元君無上元君即今老君是其五雷君今即
吾是是諸神等咸啓是言臣等隔陰實昧夙
因今奉至言罔不遵奉得悟玄旨用懋祗焉

臣聞雷霆者天地之樞機天樞地機陽雷陰
霆樞陰機陽雷善霆惡夫謂萬物厥有至符
至符陰玄乃職生滅東三南二北一西四此
大數之祖而中央五焉雷霆得天地之中炁
故曰五雷無上元君往得九五之道蓋東方
自壬子而歸庚九數北方自丙子而歸庚五
數其餘庚子歸庚而一戊子歸庚而三甲子
歸庚而七所以得九五之道者而帝雷霆也
壬子為東方之根丙子為北方之源甲為雷
庚為霆甲庚為雷霆之號今壬為雷霆之局
丙為雷霆之會子為雷霆之宗甲中有己壬
中有丁丙中有辛庚中有乙是故甲庚丙壬
雷主之乙辛丁己霆主之惟戊癸化火以虛
其中是為雷霆之主若夫九五之道者雷霆
自北而東自子而已皆陽也得九五雷霆之
道所以榮枯萬物起滅四時今吾五雷君乃



得三一雷霆之道三乃東之祖數一乃北之
生數是蓋北鄉子為雷局東鄉卯為雷門其
得三一亦無殊於九五皆雷霆道也臣等職
蒞雷霆天地杖直幸知古始敢不敷陳上瀆
真慈不勝昧死九天採訪使者於是默然老
君曰卿等沃朕丹心可嘉可敬審如卿語朕
有宿勲今五雷君茂領採訪實朕所慕卿等
當知昔在劫初玉清神母元君是浮黎元始
天尊之后長子位為玉清元始天尊其第九
子位為高上神霄玉清真王長生大帝專制
九霄三十六天三十六天尊尊為大帝統領
元象主握陰陽以故雷霆之政咸隸焉雷局
於北雷門於東雷火於南雷令於西甲丙庚
壬為陽雷乙辛丁己為陰雷戊癸以為雷火
之司則是九天採訪使者總御四序控制五
行彼使者者則真王是是諸鬼神咸作善言

臣等夙生慶幸乃今方知
元始天尊聞是語竟復還大羅玉宸道君亦
還真境太上老君尋復太清於是九天採訪
使者亦還紫玄景曜之府皓庭霄度天君尋
白太皇萬福真君曰我等十方諸天與諸龍
神各領部屬趣駕九霄往謁真王當以
天尊之慈言上簡真王之夙命以慰三界萬
靈之觀聽焉曰然時天君及十方諸天詣九
霄初立九霄玉清門下次有玉樞舍人領所
官曹出立門下九虎森立六虬橫前舍人出
迎久乃得入復有九霄玉府門門內有瑤光
玉書之扁扁曰高上神霄之天天中有五殿
東曰青華西曰碧玉北曰蕊珠南曰凝神中
曰長生又有東西臺四曹四局外有大梵紫
微之閭仙都火雷之館復有玉樞院五雷院
氏陽院仙都火雷院及雷霆都司太乙雷霆



司北帝雷霆司蓬萊都水司及諸曹院子司
億萬兵騎各分將校上有雷霆泰省玄省都
省三省六部八寺四司諸司館閣各有官僚
東西華臺咸隸其所時十方諸天咸謁王所
王遣侍香玉女侍軒玉女各一員致誠天君
前乃啓天君言真王大帝以三界事繁悔不
早聆車輪分形散影相延別殿當以建午之
月其月五日闢南宮火鈴玉眸飛霞之宅咸
希見集是諸天人徘徊不返復告玉女使復
王曰十方諸天是承
天尊言大帝真王天有玄經經有妙旨昔在
元始劫前曾亦演說名為無上九霄玉清大
梵紫微玄都雷霆玉經我等聞斯語已樂欲
即聞玉女還奏奏已
大帝勅允
大帝勅北斗征伐司大帥北斗防衛司大帥

使前語曰十方諸天欲朕說經朕所秘藏
天尊有勅卿等可同太尉黃鉞絳節雷霆大
使尚父尚書太宰雷霆令會判府知府同知
領事僉書與尚書侍郎卿監郎中校籍以下
官寮干政務官同侍瓊輿上登三天有頃二
帥還奏百辟已集於三省三省已辦都省已
集大帝昇元皇洞真總虛大雲之輦三省五
府六部八寺百辟隨侍白鶴歌青鸞吟麒麟
舞雲白澤嘯風大帝輦行百辟車隨火輪火
官四衛左右玉虎前翼金龍後禦詣三天門
下首謁太上玉京太極左宮仙翁於天機省
次謁九州都仙太史高明大使於天樞省後
謁三天扶教輔元大法師於泰玄都省復謁
玉清元始法師玉堂大教主於鳳凰閣次登
太上無極大道太上丈人太上道君太上老
君天帝君天帝丈人九老仙都君九炁丈人

太清玉陛下百千萬重道炁千二百官君訖
大帝復以大丹玉符下付罡風浩炁界主者
黃道黑道典官次則天地之間諸部雷霆干
係鬼神齊集大帝之後大帝上朝三清三清
玉女飛散玉華遍飄罡風神炁玉雲灑渺紫
都大帝端圭肅服立於陛右大梵明晨侍郎
呼云尊太上上天至尊天帝無極無上皇帝
坐殿此即
元始天尊也天尊曰朕弟爾來朕有三萬六
千宮宮有三萬六千主宮女主三萬六千世
界事朕猶不屑卿朕弟也何庸爾勤大帝拜
與奏曰朕言無上九霄玉清大梵紫微仙都
雷霆玉經萬劫一傳混沌判久此寶宜世朕
不敢私取自聖訓
天尊曰可大帝辭天尊勅大羅無極神公同
三天大丞相於玉梵明皇之館會

昊天玉皇上帝及后土皇地祇大帝在天帝
下坐地祇在大帝下坐神公對大帝大丞相
在神公下坐

天尊勅以玉醴用大微金液以次用八麟為
脯九鳳為腊三龍為炙四虎為膾久之飲罷
神公丞相同辭大帝復覲玉清大帝勅長生
殿四局左右司錄事即日瞻刻奏謝三天天
帝地皇同之大帝還坐長生殿天帝地皇同
坐玉輿十方諸天悉有瓊輦諸天龍神各立
陛階大帝默坐良久呪曰

雷大 雷二 雷三 雷四 雷五

唵吽吽三檀那嘔嘻唯咄嗟唎吒急急召
汝名天下知速至速至急急如律令

呪已復謂天帝地皇曰是此十方諸天欲為
演揚真詮天帝地皇啓大帝言十方諸天懸




後斯久大帝慈愍當無所靳大帝曰朕適呪
已姑少俟之少頃五帥部衆龍兵虎騎呼風
嘯雨飛雷激電散雲霹靂喧轟震動閃爍霹
靂大帝勅五雷使者擊五雷號令牌一聲天
地肅然大帝於是說經大帝曰朕為浮黎元
始天尊之子玉清神母元君之男玉清元始
天尊之弟太上老君之妹兒婦日月眷屬星
辰奴皂風霆車馬雲霧出無入有隱聖顯凡
策空駕晨乘空躡梵三官飈舉五帝景從朕
胡為尊敢不自効是故効心三界戮力五行
凡爾天龍鬼神孰不知焉時有雷神火師挺
班端簡立大帝前稽首長跪而言曰憫哉契
賢世界一切衆生君臣父子夫婦兄弟主客
刎友親戚奴僕羽毛鱗甲飛走動植根茲甲
坼情與無情往昔劫中至今有生以來億劫
塵勞今身業垢貪嗔癡愛萌於立身行已之
間殺盜邪淫形於舉心動念之際心三口四
人百已千有漏幻軀無邊罪障是非海闊人
我山高不審若為能免雷令大帝曰未有天
地先有吾身未有吾身先有根本生根死本
乃天宮地法之門生死輪轉如蟻旋磨如以
生死為無則天地有晝夜焉晝夜有日月焉
是生死不可無而罪福壽夭榮枯寵辱是非
人我名利財祿實附隸於生死之間性命係
焉所以東北方有風雷地獄此特雷令之怒
耳其罪之微太乙簡閱其罪之著三尸上奏
其罪之尤三官鼓筆風刀立至其罪尤甚事
涉雷霆陽有鞭尸之刑陰有裂體之憲人間
私語天聞若雷暗室欺心神目如電可不慎
之若夫士農工商僧尼道俗上自天子下及
庶人命遭慧孛之臨身為魔魅之擾皆我雷
霆之政實臨之



大帝曰雷霆者主天之災福持物之權衡掌
物掌人司生司殺檢押啓閉管籥生成上自
天皇下自地帝非雷霆無以行其令大而生
死小而榮枯非雷霆無以主其政雷霆政令
有所隸焉隸雷霆之政令者各有攸君今皆
為爾一一解說咸用遵奉以敬以寅
大帝曰三清上聖所以雷霆之祖也十極至
尊所以雷霆之本也
昊天玉皇上帝所以號令雷霆也后土皇地
祇所以節制雷霆也
大帝曰吾為高上神霄玉清真王長生大帝
其次則有東極青華大帝九天應元雷聲普
化天尊九天雷祖大帝上清紫微碧玉宮太
乙大天帝六天洞淵大帝六波天主帝君可
韓司丈人真君九天採訪真君是為神霄九
晨

大帝曰尔等十方諸天曾亦知乎故凡下界
有穰謝水火斬星伐廟斷蛟卻虎驅瘟辟邪
上解天羅下解地厄與夫年災月禍星厄命
妖三世冤憎七生凶會鬼神注射魔魅陷殃
有死有生有已有不已並用奏牘九晨次則
申諸司

大帝曰玉府判府真君玉府左右侍中左右
僕射天雷上相玉樞使相斗樞上相上清司
命玉府右卿五雷院使君雷霆都司元命真
君此皆雷霆之樞要故謂之九司並用申之
別有五方雷王五方雷霆大帝君亦申
大帝曰日宮太陽帝君雷霆賴以威月府太
陰皇君雷霆賴以神北斗九皇真君雷霆賴
以樞轄在昔
元始天尊勅太清無上元君令九州都仙太
史高明大使判雷霆泰省事太上玉京太極




左宮仙翁判雷霆玄省事三天扶教輔元大法師判雷霆都省事復以浮丘大仙僉書雷霆三省事自餘以次官曹並領所治或曰兼司或曰分司其所出治或巡察官司則曰行司四官關員皆應選人往昔劫中曾已選遷是此四官復當降世領戶化民
大帝曰十方諸天爾等當知此經玄妙不宣下士吾昔承

天尊勅使吾九霄玉清之府出給符簡宣傳告命付授籙誥開度生死身受度死魂受煉出離地獄登真度命所是元始符命並聽九霄奉行吾此九霄玉清之天內攝朱陵火府南昌上宮受煉司南昌下宮受度司上清黃籙之院太清黃籙普光之館元始有命命佐官三真以司符命隸吾本天命大羅無極神公判上清黃籙院事號為鬱羅翹真人一

也復命玉清元始法師充上清黃籙使號為真定光真人二也次命玉堂大教主充上清黃籙副使號為光妙音真人三也用是三佐以領本天濟生度死之事凡爾煉度等事並須奏九晨申九司然後啓告三佐上關三省遍聞日月宮曹北斗府署故得歷關諸天勅制地祇普告三界苟或不爾千符百簡天地渺茫

大帝曰人世帝皇若於保鎮國祚撫安黎元變調四時節度二炁能以錦繒織此經理飾以金匱果以石函藏諸海嶽即得人民按堵風雨順時百穀以穰萬物以康國無兵戈俗皆富壽是經在處即有飛天神王十方丈人天丁力士郎吏虎賁天騶甲卒察姦鉤騎都官僕射驛庭令驛亭丞罡風騎置吏驛馬上章吏飛符破廟吏陰神決吏陽神決吏飛龍



騎吏隨所護持

大帝復告十方諸天丈人曰吾昔於浮黎碧落之天與十方無極大聖同侍

元始於空歌寶乘之中元始說始青大靈之章吾於爾時發大願言五百劫後數否運塞元元被殃疊尸高山流血曠野無復如今萬象太平陰陽無恙矣雷霆者執天地之中政綜効禍福佐理天樞統御陰陽攝循地紀吾為雷霆之主當以身先之即合代彼一切衆生受諸魔惱然則以是功勤未若元始說是靈章為是玄妙人可開悟今吾此經無殊厥旨亦從是經啓吾玄會是諸衆生得聞此經玉樓無斷銀海花殘即得超度不經地獄爾時十方諸天同時稽首稱善
天帝地皇亦曰善哉天龍鬼神生大歡悅金童舞香玉娥散花

大帝曰世人起心動念動行不善唐突天地穢褻日月毀呵風雨裸觸星辰背負君師逞辱父母欺心朋舊傲睨親隣殺害孳生拋撒米穀大秤小斗欺罔聖賢酷法殘刑傷滅禽畜私淫暗盜誨毒助兇貪諸所崇嗔諸所弱天嗔地怒鬼神憎有能命九霄諸曹官吏上元一品仙官或正一道士就於樓觀靜廬或於家庭建壇告盟請誦玉經或一日三日或五日或七日皆當啓白上靈首謝愆過所以本命魂神之藏玉宮仰關天丁為行願蓋是故三官罷對黑簿傳追免為雷嗔不受天譴回心向善即得吉祥
大帝曰若或有人為天矯地魘山精石怪五行妖祟三界魔虺及諸社廟傷亡冤屍執對驚魂喪亂五內違和人鬼交心無復常態吾即遣命魔前驅大將軍與九天捉鬼雲路無



面目大神金刀功曹領諸天丁區別人鬼違者斬尸

大帝曰禳水之法申聞水府扶桑大君水府馮夷君波神玄冥君遍牒五湖大神四海龍王九江水帝四瀆源公九河主者崑崙河源君河魁大神及蓬萊都水使者可令速除水怪障回狂瀾滅妖殘勿為民害謝火之法申聞南方熒惑君火神祝融君雷火閼伯君火部回祿君火鈴將軍遍牒南方火部主火大神五方飛火擲火流火大神掌火書金經大仙火部判官丙丁童子勝光大將騰光大神可令祓除火孽清靜民區無使共炎流毒萬姓禳水謝火亦須牒太歲神君水屬月府火屬日宮

大帝曰凶星見於人國惡曜照於人身此元始有移星易宿之道至於妖星逆宿不係五

星十一曜二十八宿及紫微垣內星者皆聽斬之先須奏九晨申九司次乃奏北極紫微大帝申北斗七王宮聽其自然斬落之矣伐廟則不然凡有廟神不正皆當先牒本屬城隍次申奏凡遇丙日許得奏聞當有檢校官司無不奉行

大帝曰若復有人病篤不救四肢失衛皆當奏請天醫使者尚藥靈官治病使者法灸金童前來救治奏乞

玉炁化流神丹下甦皇民使復神觀如被崇害亦復如然

大帝曰定蛟如禳水法卻虎即獮令當路土地主者神虎玉女玉女者攝虎也斷瘟之法移牒五瘟使者太歲尊神皆當移文雷霆諸司

大帝曰鬼神託為家先勒求祭祀變幻百怪



使就供承拋磚擲瓦搥門擊戶撒沙放火驚雞弄狗懸蛇掛鼠送影傳聲凡曰害人悉以罪論

大帝曰九霄玉清府有東靈上相瑞光仙師六華玉靈使者散花玉女主雪將軍回風結雲使者所以掌雲雪事分隸月府太陰皇君大帝曰國土亢旱人民焦熬魚鳥驚煩草木脆萎妖魅為殃烈焰焚空火傘四張赤地千里皆當上啓東井箕星使者天門東壁使者金關畢宿使者三山太乙木郎大神四溟四丁大神即使驅龍捲水興雲致雨大帝曰久雨淫淫宜於所在城隍社稷里域之司稱是籬落崩坍溝渠滯溢上告太陽九龍皇君祈遣九斗陽芒流金火鈴大將軍封潭鎖海止雨禁龍捲霧收雲開天耀日大帝曰尔等雷神火師知吾種種方便垂示

教科今說是經難可得遇若或有人得之不祕輕泄漏慢當知是人名繫三元罪移八籍其受持者可以昭靈是有五方雷霆神吏主之今當為爾一一解說雷神火師曰臣知之矣臣請宣示雷神火師對

大帝前稽首長跪乃自致辭臣聞五方雷霆神吏風受元始天尊懸記輔贊真王統理雷政臣久已欲示世人今非得旨臣竟祕之臣謂云

東方雷霆風雨雲電之神

呼風亞

咄遮黎

义鳩羅

南方雷霆風雨雲電之神

冰鳩鸕鷀

煖炎寮

石阿雄

西方雷霆風雨雲電之神

榮耀靈

朗重延

閃鳩陀

北方雷霆風雨雲電之神



盧刑猛

橫天霸

釗振鳩

中央雷霆風雨雲電之神

孫真耳

多百言

旭執圭

臣謂此諸神吏威靈氣焰消爍風雲廣大神
通凌摩日月可以動搖海嶽而能舞斂乾坤
是為天帝之所使雷部之寂靈凡課誦此經
之時諸多神吏領所部隸聞呼其名皆悉降
壇大帝曰然

東方青陽神青帝青龍聖光威靈震動霹靂
猛烈大將軍瞿亨

南方火車火炬正陽雷電敢吼霹靂大將軍
孔光

西方白電君電光閃爍霹靂雷公電母八靈
八猖邵陽雷公大將軍衛真

北方烜赫電光霹靂黑雲奔霧六波捲水震
雷閃爍大將軍尾青

中央震電驅雷飛雲敢吼威猛勇烈正直霹
靂大洞統領八方雷車大將軍吟靈

東方五雷神君紫庭真人各各部領焮火大
神雷公電母駕車持斧浮空而至

西方五雷神君巨雷毒神羅列左右飛印天
丁五雷使者兩部尊神駕車持斧浮空而至


南方五雷神君木郎大神各各部領流鈴將
軍風伯兩師駕車持斧浮空而至

北方五雷神君都水大神各各部領霹靂大
神五雷監使者合部威靈駕車持斧浮空而
至

中央五雷神君黃衣使者蠻雷之神羅列左
右六甲六丁興雲致雨江河淮濟嶽瀆之神

駕車持斧浮空而至

六波天主帝君
玉樞院真君
玉府上卿五雷使
雷霆都司元命真君



蓬萊都水使者

東方青帝

西方白帝

雷伯青帝

上清玉府元命左文君

雨師元君

雷令青君

龍雷君

捲水龍君

斗中真人

神雷真宰

水雷仙真

天雷上相

掌火書金經大仙

火鈴大仙

主雷大神

中央黃帝

南方赤帝

北方黑帝

上清赤天大法君

玉樞院副使元君

雨師丈人

火伯風霆君

電光元聖君

東靈上相元君

天雷真宰

龍雷仙宰

雷令主者

五雷院副使

霹靂大仙

蒼牙大仙

歛火大神

負光仙吏

典雷大神

火目電光大將

執部領軍將軍

負光猛將

掌風火龍騎震山沸海大神

掌霹靂火光銀牙耀目威神

上清玉府元天大法師

雷令天師

雷師皓翁

禁師趙侯治病伐惡法師

上清司命玉府右卿

四明公賓元君侯

洞陽幽靈火光流精金精清思仙娘

虛皇大華天雷風領君

斗中都水右使者

震威大神

引領大神

衆目大神

雷火闕伯神

瑞光仙師

斗中樞相

玉真耀靈仙師

玉雷皓師

雷公火車元帥

斗中六通使者

斗中六通使者

斗中六通使者

斗中六通使者

斗中六通使者

斗中六通使者

斗中六通使者


斗中六通使者

斗中六通使者

斗中六通使者

斗中六通使者

斗中六通使者



五雷左大判官
五雷左判官
伏雷博士
三五錢面火車大將軍
三五邵陽主帥
霹靂典籍功曹
霹靂記名書過功曹
掣雷揮斧上命吏
日晃陽光太極吏
玉光金精上吏
陳雪華猛吏
追電擊電神吏
雷城主吏
雷威猛吏
風雷神吏
雷車判官

五雷右大判官
五雷右判官
掌善簿判官
太歲大將軍
流金火鈴大將軍
霹靂復勘功曹
掌惡簿判官
火鈴威天公吏
掌苗稼五穀上吏
吹海揚波馳役吏
斬不伐妖開災令神吏
掌水潦分野灾殃上吏
掌山林曠野溪谷主吏
執節都吏
掌書判官
五雷直符吏

黑面神荼
雷車右領將軍
神決風雲上吏
掌雷車黑炁神吏
擒龍捉孽撼山大神
丹元掌罪刑部正真吏
勘覈妖魔校正善惡主吏
察善惡孝悌忠和都吏
掌罡風天漢起雨興雲吏
威劍震靈吏
掌四季風雨吏
負天擔力大微令
掌車令
掌霹靂火光吏
西臺雷雨吏
追風布雲虎吏

雷車左領將軍
主籍吏
飛雲走電大神吏
吞魔啖妖天甲神吏
掌火輅金車上吏
天雷掌火令
掌霹靂火吏
掌天書文籍令
福元將吏
掌鬼政龍書吏
龍圈治水吏
掌兵騎甲卒吏



掌雷風雪電雷火猛吏

龍隊監兵使者

霹靂搜龍使者

律令使者

蒼牙使者

五雷使者

南宮火令使者

雷陣左右車使者

散雲歷黑使者

縛魂監送使者

霹靂火車腥煙使者

霹靂禁炎迸火使者

霹靂四望使者

霹靂火猪黑犬使者

霹靂倒提摧拉使者

霹靂回車使者

掣雷電奔雲使者

掌兵甲橫身飛雲使者

驅風雷電電斧斤使者

移山翻海鐵甲使者

雷中使者

洞風鼓震天威赤文使者

江河使者

三十六雷鼓力士

降電力士

摧邪力士

左持幢真人

右持幢真人

紫光童子

玉光童子

掌籙童子

捧劍童子

雷光玉女童子

雷師童子

電師童子

執幢童子

三五邵陽將軍

邵陽雷公

火車將軍

起罡將軍

六龍將軍

黃帝雷公將軍

青帝雷公將軍

赤帝雷公將軍

白帝雷公將軍

黑帝雷公將軍

天雷晃光將軍

水雷晃光將軍

邀後撲殺擲火將軍

霹靂嘯黑將軍

霹靂殺伐將軍

玉樞殿下左神將

王樞殿下右神將

蓬萊殿下左神將

蓬萊殿下右神將

北極殿下左神將

北極殿下右神將

各領部衆浮空而至

大帝曰黑龍赤馬炎炎昌運當出霄吏無隱



祕要

大帝復曰是諸神吏能消灾厄能衛身形解
釋冤憎翻攘盟詛芟邪立正滅惡揚清伐廟
誅邪斷瘟辟蠱療民疾病使人吉康昔
元始天尊用此神吏時時有呪

呪曰

綠水清波湛湛清 千鈞斧刃背頭輕

傍何柳樹風吹倒 報着嫦娥也不驚

輕時輕似空中塵 重時重似千秤鐵

白時白似天上雪 紅時紅似猩猩血


織女四哥 勾婁吉利 登僧得色

急急如律令

雷神火師及諸天人聞說呪已天昏地黑風
動雷飛雷電喧轟霧雨奔列山河震響宇宙
昏昏

大帝曰火師火師如是靈如是神或不自我


不自爾不自神不自鬼一念所至夫復自然
大帝曰北極紫微大帝統臨三界天蓬君天
猷君翊聖君玄武君分司領治天罡神河魁
神是為召雷檄霆之司九天流金火鈴大將
軍天丁力士六丁玉女六甲將軍是為節度
雷霆之使九天嘯命風雷使者雷令使者火
令大仙火伯風令火令風伯四日皓翁蒼牙
霹靂大仙是為攝轄雷霆之神火伯風霆君
風火元明君雷光元聖君雨師丈人仙君是
為雷霆風雨之主中有三五邵陽雷公火車
鐵面之神中有負風猛吏銀牙耀目欬火律
令大神狼牙猛吏大判官五雷飛捷使者五
方雷公將軍八方雲雷大將五方蠻雷使者
三界蠻雷使者九社蠻雷使者實司其令用
贊其權
大帝曰




昊天玉皇上帝統天無為萬化所治后土皇地
祇承天稟命主執陰陽夫人頂天履地得此
神書並當知感每於清旦面東南向立曰臣凡
胎濁質走骨行尸歷劫迨今罪如山海伏望
太上無極大道無上至真三寶慈父聖母十
方諸君丈人九霄雷霆帝真金后玉妃卿師
使相法界真靈溥運慈悲曲垂原赦賜臣太
上十方五雷金光火雲正一炁毋流注臣身
中三焦九宮五臟六腑之內使得名籍太霄
身騰玉府謝世返質遊行太空
大帝說經將竟天帝地皇先還玉闕十方天主
各舉仙飛雷神火師趣辭而返雷霆主宰咸侍
真王大地雲翔虛空霧灑雲慶五彩露飛八
甘甘露慶雲薰蒸宇宙滿國和樂萬俗太平
大帝領仙巡幸皓庭
大帝復謂雷霆執事侍宸仙監仙卿仙郎玉

郎等曰吾有九霄玉清大梵紫微仙都九符
併用傳宣卿等諦聽


玉清大梵呼風玉符




玉清大梵召雷玉符




玉清大梵起雲玉符





玉清大梵致雨玉符




玉清大梵興電玉符




玉清大梵禱雪玉符




玉清大梵借潮玉符



玉清大梵摧魔玉符



玉清大梵請晴玉符



尔時

大帝真王付授九符以與雷霆主宰盟曰玉
經皆內天隱文中皇太玉之書固所當祕一
如寶符猶當聽受卿等威烈聞此符命火急
施行雷霆主宰列班王前咸拜且曰敢不公
勤敬遵聖訓
大帝還召北斗征伐司帥臣北斗防禦司帥
臣北斗行臺烏衣皂旗使者承受玉軒復歸



九霄長揖皓庭即昇瑤輦五雲翼輅九烟衛
轅前鳴八鸞後舞萬鶴瓊花載道璇花霏霏
雷霆眾真驟隨後乘

大帝復坐蕊珠之殿十方天人雷霆主宰羅
拜露章稱謝雷師火君恭對
帝所稽首而前即獻洞章

洞章曰


大帝臨皓庭身飛玉霞輿天人擁五雲
聽演蕊仙書寶語騰瑤梵金樞度玉符

復還蕊珠殿鸞鶴飛仙都

是時蕊珠殿頭領仙舍人引領羣真退辭王
所咸相謂曰信受奉行
無上九霄玉清大梵紫微玄都雷霆玉經

太上元始天尊說朝天謝雷真經
昔天尊於龍漢元年在浮羅世界中觀眾生

有不信三寶及五劫之人身謝之後沉淪三
塗永墮地獄為鬼或犯天條檢責下鬼所誣
一切眾生有諸苦楚不知解謝之門果熟之
時至招重病雷擊身沒之後永墮餓鬼畜生
至使鬼神被考禍患來鍾深可悲哉無由解
脫不知上天檢舉有犯天條至招雷擊三十
六條世人莫能知之前謝罪惡庶知果報
說朝天謝雷真經令人祈謝罪惡庶知果報
昭然明所報也如此果報豈不痛哉為說天
條令使敬重天地日月神靈孝養父母君親
令知宿命善惡因緣延生之路朝天謝罪必
獲感通之理請正一道士或於觀宇或在家
庭隨力章醮請行法事解謝祈延生筭虛空
採訪使者隨即奏告上達天司罪惡消除福
祿增崇善功圓滿以降吉祥世人罪福皆屬
天曹所管為人豈不知之此經乃上天所寶



不傳下世天人敬仰萬聖衛之金闕靈章有
不信之者永墮酆都
天尊為說報應靈符及天書篆明世上有犯
天條被雷擊之者以將此符篆較之庶凡人知
太上感應如此立乎
天雷十二條者不敬三寶不孝父母拋擲五
穀吹風罵雨裸露三光揚善毀威不遵正道
不干捨施身昧天地信巫祝崇滅人善果毀
壞經教犯此天條則天雷檢察為說此十二
條以示下民庶知解謝世人犯
地雷十二條者穢汙水採將費江河毀罵眷
屬疑真不信輕師忘本燬露觸衣慾人妻女
為惡是增對聖毀願怨恨宗親不賑貧困對
天安語此十二條属地雷所管以示下民所
曉延謝之信
人雷十二條者醞酒造醋大升小斗荒年起

價米中添水欺曲昧人穢語兩舌寸尺長短
剋剥害人欺善懼惡欠債不還愛謀女妾酒
肉殺生此十二條人雷主之世人莫能知之
以示下民庶知解謝

天雷十二條者

神霄雷公五方雷公行雨雷公行風雷公行

雲雷公布澤雷公行雪雷公行水雷公飛砂

雷公食崇雷公吞鬼雷公伏魔雷公此十二

雷公係属天分犯天令則攘此十二雷公以

免擊之罪

地雷十二者

糾善雷公罰惡雷公杜令雷公發稻雷公四

序雷公却灾雷公收毒雷公救病雷公扶危

雷公太昇雷公巡天雷公察地雷公此十二

雷乃属地分凡人犯地罪則燒香祈天請罪


免灾苦之困無不應也



人雷十二者



收瘟雷公攝毒雷公除害雷公却禍雷公封
山雷公破廟雷公打鬼雷公伏虎雷公破瘴
雷公滅尸雷公蕩怪雷公管魄雷公此十二
雷乃屬人分凡人犯人罪可燒香告斗随心
稟祝以免此苦厄乃大道好生之愛也
道言此三十六雷則能輕重善惡敬之不犯
條律則降吉祥不遵敬禮故犯條律則示重
罪陽責貧窮困苦滿足轉轉不信墮落地獄
為鬼復出受生身遇雷擊之後北酆為鬼難
求出離苦楚豈不痛哉北酆有一百二十獄
其獄各有獄主獄吏毒虎毒蛇毒犬刀刃斧
山獄吏以杖逐其罪人登山履刃毒蛇纏身
罪人身體皆參刀刃五流滿身毒獸食飲其
五萬死萬生無明晝夜此皆罪人生前至招
墮于北酆難可盡述其事言不可泄畧垂九

鍾大道開演此經令使世上凡人知畏身命
有此獲罪之所凡有獲報陽責可以隨力燒
香虔心告盟天地祈謝原愆以免報獲上命
至矣若有男女在世貧窮亦可脩心整行轉
誦此經得謝身惡以禳困苦自然天祐之庇
大道立乎凡人不可以為嘗聞亦不可輕泄
此文乃上天隱秘之書凡人可能敬重此經
在處有衛經元帥六人靈官一十四人天兵
一萬五百人土地社令當所管靈祇城隍主
宰九州風伯城境天神護持此經誦轉此經
魔精滅形生人受之身宮康泰死者得之度
上南宮及有
國王帝主后妃臣官為國焚祈豐道亦可開
轉此經能攘域境兵戈盡泰四序清平永無
勍敵
道言凡有上士欲脩仙法採尋藥圃遇毒蛇



虎狼之獸無必復回速誦此經惡類返歸其
元不能傷害自然回退得遇真劑學道侵進
有會本源故獲善士同志心達其玄妙無不
應也亢陽天不下雨亦可轉誦斯經以禳缺
澤之厄蝗蟲傷稼燒香誦持則滅其類以消
蟲毒傷稻矣域境水泛不退浸漲崩危地土
故當速轉真經其水自退不能漫陷其所及
有一切瘟癘瘡癘疫病之者連年不瘥鬼崇
伏尸魔魅在所為禍不能除却可以燒香轉
誦真經其祟回元不能傷害自然安愈此經
到處萬神侍衛精魔潛走不敢仰視如此威
靈凡人豈昧律法故當以天篆垂報之後有
獲雷擊之人天書或在背肚胃前脇下手足
之上將此經中天篆參究庶知
太上之感應然後焚香請正一道士轉誦此
經方移其尸析

天雷罪方可將棺槨盛之以板閉上留一孔
露天雷不復擊以厝去處牛馬亦如此乎敬
禮此經不犯律件世世為人衣祿永滋壽命
長齡不敬之者掠善仙官錄惡使臣奏呈天
府積業過多滿足條令
上命一行告下城隍主者隨即行事既滅之
後身經北酆永無出離當為書篆以示陽民
可虔心遵信為人不可不知也
米中用水
荒年起價



業通三世



不孝



因果不脩




乃是九幽




非足




惡果滿矣




毀罵三寶



果報



卜者術誤



元惡過多



九世之惡



裸露三光



身口問九

事

前世果報

洋

非言非示

非言非示

果非禮上

果

天譴之罪

罪

州非果將

州非果將

非道

非道

九真惡過

九真惡過

癸非

癸非

天露



天露

罪至

罪至

天責

天責



罪及




四世



八吐音真



報應



貪求不足




獲罪



固罪



前緣惡業



宿緣惡報




上天檢訾




天令報應



惡報前緣



九業之罪




諸事滿律



非理所為




業通具足




天責其報




罪盈是




用且非道



九業具足



罪滿自受




曲直非王音正



神禮亂真



九惡之報



九七之罪

川

九九之罪

川

五劫之罪

川

天察其過

川

口業之罪

川

五世之惡


川

四思之惡

川

道言凡有陽世之人身被雷擊可將此符篆證之以知此立乎報應之謂也可以燒香誦轉此經以解尸滯可以燒其天書解之身著地上乃用硃砂并銀硃以黃紙盛授其筆仍安棺槨之上載書其篆以對天文及念九天應元雷聲普化天尊聖號一萬音方審其尸則動便入棺槨循葬去處如此之感應為人豈不知其明有天津之嚴也可以常誦此經能消諸苦及大病死亡不經地獄官灾口舌連年困苦負本遠出路途或遇賊惡虫蛇虎狼之地但念誦斯經自然不能損害凡

國立故宮博物院
NATIONAL PALACE MUSEUM



有萬難可以誦持門庭清肅人眷安寧及有
起造動土架扇屋宇并脩理牆維有犯神殺
及行喪葬有犯墓龍殺神一應去止但燒好
香誦此真經以謝各神自然迴避不能侵害
生人師巫或埋名魔奏剪雞滴血或在廟祀
之處及在邪壇將生人名諱或因服法不加
及因田園財物口舌紛爭將其名諱在諸去
處厭奏知其源者可以燒香誦轉此經却除
差來索命邪鬼重則隨經使者官吏不待上
天律下即以滅形輕則以戒之其神能滅諸
邪可而敬之山魃鬼恠魍魎伏尸及枉死孤
魂之鬼并精靈百魔之鬼侵害生人起禍損
人命魂久病不瘥連年及求血食山壇冷社
將後起疫不能除却但以好香燒告神霄雷
主將帥及神兵官吏護經靈官將帥將此經
轉誦魔魅潛形不能侵損人命或遇夜行將

此真經以帕袋服此經却除水陸邪鬼魍魎
之神亦不敢侵損魂命使其鬼神潛形無邊
回避不復害也

上天之書以度下民令識宿根知

太上之立然凡有萬億之厄轉誦真經無不
應護萬邪端正道法開祥無量神通昔

雷霆鄧元帥於玉笥山修行五十二年狀奏
呈

玉帝陳說承天開化扶教度人發大願滅天
下不孝不忠之人及斷鬼魔害物侵害生人
一切為禍妖邪救生度死忽功行緣滿蒙
上帝詔命召赴陛前賜金丹一粒吞服變成
鳳嘴形翼仍封為欽火律令大神以金鉗鑿
各一付之身長一丈赤鬚藍身手足皆化為
鳳爪受令行事斷天下不孝不忠之人鬼祟
之魅一切害民之類以五月五日午時為赴



召昇僊之日所其功果成就敬守于今已化
有劫矣世人不信此神故犯天條致罪滿足
獲其神而戮誅身屬北酆永為鬼趣墮於其
中萬萬億劫不復出離如此之報因果昭然
世人尤乃故犯條律既犯之後獲報其中悔
何得也深可痛哉世人在世不敬三寶天地
父母君親師友正道之人但檢閱此經靜默
安神燒香禮拜天地安坐去處看誦此經深
議詳其自悔大有身畏為人豈不自思省緣
惡之愆可保人身之本以解日積所為若有
獲果雷擊身經北酆受苦何人為汝負受如
此果報立明在人世自宜保愛其身凡人有
女生男女孕經過月不能分娩或恐非人受
胎鬼祟冤家及山壇冷社之鬼假為人形前
來託化害其母命痛苦難忍識此因由可燒
香望東念救苦天尊聖號四十九音方開誦

此經即時人脫其胎即與萬神監生其子福
慧雙全女亦此也或是鬼怪冤家則隨經帥
將攝下押送北酆遂誣死尸其死尸得下之
時將栗木數束書大神名字告天仍祝白從
今釋冤不得害人魂命及有官符口舌連年
不解困苦將終誦此真經以禳厄難無不應
驗門戶方隅改修動土不時有犯殺神興灾
令人疾病未安如有一切所犯之處請道士
延真祈天請命書大聖七元真君名號以黃
紙用硃明示其土奉安所犯方位轉誦此經
無不安驗清康庭戶大有光輝神之所侑也
道出乎太玄之初未判兩儀之先萬物之中
為人第始虫禽潛蟄尚知時像四時之物豈
有異時
天地垂明以視人也應期發生流潤人間世
人為入何可以謝



穹壤之恩凡人在世可尊敬


天地父母君親師友正道佛僧羅漢功果善緣奉揚科教開誘人天從善周始則善人應有終厚為惡獲因劫劫墮落地獄經劫受苦人道遠乎縱得人道出生貧窮下賤復不修禮轉轉遠求聖證無可得遇無上法橋度拔苦楚經世不悟墮落傍生六道常輪一入修羅難祈釋理

道言得遇此經乃宿有善功積劫以來幸會天文如有志學之者見此真經一聞便悟若有世人見此真經不信毀謗生生墮落傍類與大道遠矣如或修誦始終既死之後不經地府魂神執此經念念正覺上昇南宮朱陵火府時刻受煉決無宿命世人在世生求快樂歌酒取懽不知樂是苦根貪求取利不知喜是悲因負販南北而不知冬有嚴霜如木

彫也根體不實則有春時不守循道之本死之到矣

元始天尊演說真經令使世人受悟歸向正道以釋源本免滯淪欲之內在世長年人中勝量轉轉皈懃仙都記藉善功緣行具足則萬神擁護尸假之去超度天程昇遷仙位命職帝前無由復繫罪理此經深義不可思議謹而敬之守奉無極之科自生不信仍不奉持累及祖魂身謝之後永處北酆後悔難思保文受用福不輕之是時

天尊說經將畢龍鶴天仙萬聖千真來迎御坐起席時諸天魔王及諸人鬼神受法戒旨此經流教下民庶曉歸宗本理達經榮路不生無道之鄉釋宿命塵輪苦楚見而奉之不可輕泄罪照玄科明有其報戒慎之矣
太上元始天尊說朝天謝雷真經



北極佑聖府檢校院新頒降謝雷經

開化元皇帝君垂讚曰
人天居敬 福不輕之 造化合德
運度俯睇 雷霆隨已 誓救生滋
除滅惡腐 輔化乾基 週榮萬法
變忖莫思 敬則從順 興道保規
逆則烈誓 後憶難追 筭山修應
扶化天隨 誅戮惡蠱 滅却勃軀
發生萬物 長決幽為 千狀萬類
總領在歸 人莫不信 輕重訊驪
人身一滅 何復再惟 求仙樂理
常誦其書 一出鐫惟 方自度梯
推山新匠 普皆敬順
無量以蘊

玉堂




金闕化身天尊親製詩

吾為教主 威鎮北天
將吏當先 雷部聖衆
誅滅兇惡 化作塵煙

分別人鬼
總掌其權

武當



三茅妙行圓滿天君親製詩

天令行威顯小民 小存心直保其身
禳灾解厄看經驗 鎚鑿專誅五逆人

三茅



九天元皇梓潼靈應天君親製頌曰

天道福善而禍淫 雷霆殺伐警人心
吾今顯化令知畏 咸使生靈免罪深

又頌曰

顯化訓民皈正教 闡揚帝德好生心
朝英虔奉刊于梓 印施雷經發玉音

又頌曰

天行號令 警戒凡民 不知畏懼
徒積禍因 條法昭示 以滅身軀
能省已過 神明監于 度人諸厄
經訓敷具 朝英刊施 福祿眷聚

玉皇親書



太上洞玄靈寶無量度人上品妙經


道言昔於始青天中碧落空歌大浮黎土受
元始度人無量上品
元始天尊當說是經周迴十過以召十方始



當詣座天真大神上聖高尊妙行真人無鞅
數衆乘空而來飛雲丹霄綠輿瓊輪羽蓋垂
蔭流精玉光五色鬱勃洞煥太空七日七夜
諸天日月星宿璇璣玉衡一時停輪神風靜
默山海藏雲天無浮翳四氣朗清一國地土
山川林木緬平一等無復高下土皆作碧玉
無有異色衆真侍坐
元始天尊懸坐空浮五色獅子之上說經一
遍諸天大聖同時稱善是時一國男女聾病
耳皆開聰說經二遍盲者目明說經三遍喑
者能言說經四遍跛病積逮皆能起行說經
五遍久病痼疾一時復形說經六遍髮白反
黑齒落更生說經七遍老者反壯少者皆強
說經八遍婦人懷妊鳥獸含胎已生未生皆
得生成說經九遍地藏發泄金玉露形說經
十遍枯骨更生皆起成人是時一國是男是

女莫不傾心皆受護度咸得長生
道言是時

元始天尊說經一遍東方無極無量品至真
大神無鞅之衆浮空而至說經二遍南方無
極無量品至真大神無鞅之衆浮空而至說
經三遍西方無極無量品至真大神無鞅之
衆浮空而至說經四遍北方無極無量品至
真大神無鞅之衆浮空而至說經五遍東北
無極無量品至真大神無鞅之衆浮空而至
說經六遍東南無極無量品至真大神無鞅
之衆浮空而至說經七遍西南無極無量品
至真大神無鞅之衆浮空而至說經八遍西
北無極無量品至真大神無鞅之衆浮空而
至說經九遍上方無極無量品至真大神無
鞅之衆浮空而至說經十遍下方無極無量
品至真大神無鞅之衆浮空而至十遍周竟




十方無極天真大神一時同至一國男女傾
心歸仰來者有如細雨密霧無缺之衆迨國
一半土皆偏陷非可禁止於是元始懸一寶
珠大如黍米在空玄之中去地五丈元始登
引天真大神上聖高尊妙行真人十方無極
至真大神無缺數衆俱入寶珠之中天人仰
看唯見勃勃從珠口中入既入珠口不知所
在國人廓散地還平正無復歆陷元始即於
寶珠之內說經都竟衆真監度以受於我當
此之時喜慶難言法事粗悉諸天復位倏歛
之間寂無遺響是時天人遇值經法普得濟
度全其本年無有中傷傾土歸仰咸行善心
不殺不害不嫉不妬不淫不盜不貪不欲不
憎不妒言無華綺口無惡聲齊同慈愛異骨
成親國安民豐欣樂太平經始出教一國以
道預有至心宗奉禮敬皆得度世

道言

元始天尊說經中所言並是諸天上帝內名
隱韻之音亦是魔王內諱百靈之隱名也非
世之常辭上聖已成真人通玄究微能悉其
章誦之士過諸天遙唱萬帝設禮河海靜默
山嶽藏雲日月停景璇璣不行羣魔束形鬼
精滅爽迴尸起死白骨成人至學之士誦之
十過則五帝侍衛三界稽首魔精喪眼鬼妖
滅爽濟度垂死絕而得生所以爾者學士穢
氣未消體未洞真名制十方威未制天政德
可伏御地祇束縛魔靈但却死而已不能更
生輕誦此章身則被殃供養尊禮門戶興隆
世世昌熾與善因緣萬災不干神明護門斯
經尊妙獨步玉京度人無量為萬道之宗巍
巍大範德難可勝

道言凡誦是經十過諸天齊到億曾萬祖幽




魂苦爽皆即受度上昇朱宮格皆九年受化
更生得為貴人而好學至經功滿德就皆得
神仙飛昇金闕遊宴玉京也上學之士脩誦
是經皆即受度飛昇南宮世人受誦則延壽
長年後皆得作尸解之道魂神暫滅不經地
獄即得返形遊行太空此經微妙普度無窮
一切天人莫不受慶無量之福生死蒙惠上
天所寶不傳下世至士貴金寶効心盟天而
傳輕泄漏慢殃及九祖長役鬼官侍經五帝
玉童玉女各二十四人營衛神文保護受經
者身

道言正月長齋誦詠是經為上世亡魂斷地
速役度上南宮七月長齋誦詠是經身得神
仙諸天書名黃籙白簡削死上生十月長齋
誦詠是經為國土帝主安鎮國祚保天長存
世世不絕常為人君安鎮其方民稱太平八

節之日誦詠是經得為九宮真人本命之日
誦詠是經魂神澄正萬炁長存不經苦惱身
有光明三界侍衛五帝司迎萬神朝禮名書
上天功滿德就飛昇上清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐青黃白三色雲
氣之中內外翳冥有青龍白虎朱雀玄武
獅子白鶴羅列左右日月照明洞煖室內
頂生圓象光映十方如此分明密祝曰
無上玄元太上道君召出臣身中三五功
曹左右官使者侍香金童傳言玉女五帝
直符直日香官各三十二人開啓所言今
日吉慶長齋清堂脩行至經無量度人臣
及甲乙轉經受生願所啓上徹迺御無上三
十二天



元始上帝至尊凡前畢引炁三十二過東
向誦經


此修行經法之旨使學者導而行之以
致感格後人不解義理一樣刊寫從而
念誦殊乖經意今就改正其爇燭非登
壇脩行經法亦不必用但只持念正經
於理無舛

元始無量度人上品妙經

元始洞玄靈寶本章上品妙首十迴度人百
魔隱韻離合自然混沌赤文無無上真元始
祖劫化生諸天開明三景是為天根上無復
祖唯道為身五文開廓普殖神靈無文不光
無文不明無文不立無文不成無文不度無
文不生是為大梵天中之天鬱羅蕭臺玉山
上京上極無上大羅玉清渺渺劫刃若亡若
存三華離便大有妙庭金闕玉房森羅淨霽

大行梵炁周迴十方中有度人不死之神中
有南極長生之君中有度世司馬大神中有
好生韓君丈人中有南上司命司錄延壽益
算度厄尊神迴骸起死無量度人今日校錄
諸命臨軒

東方無極飛天神王長生大聖無量度人
南方無極飛天神王長生大聖無量度人
西方無極飛天神王長生大聖無量度人
北方無極飛天神王長生大聖無量度人
東北無極飛天神王長生大聖無量度人
東南無極飛天神王長生大聖無量度人
西南無極飛天神王長生大聖無量度人
西北無極飛天神王長生大聖無量度人
上方無極飛天神王長生大聖無量度人
下方無極飛天神王長生大聖無量度人
十方至真飛天神王長生度世無量大神




並乘飛雲丹輿綠輦羽蓋瓊輪駟駕朱鳳五色玄龍建九色之節十絕靈幡前嘯九鳳齊唱後吹八鸞同鳴獅子白鶴嘯歌邕邕五老啓途羣仙翼轅億乘萬騎浮空而來傾光迴駕監真度生諸天丞相南昌上宮韓司主錄監生大神執錄把籍齊到帝前隨所應度嚴校諸天普告三界無極神鄉泉曲之府北都羅酆三官九署十二河源上解祖考億劫種親疾除罪薄落滅惡根不得拘留逼合鬼羣元始符命時刻昇遷北都寒池部衛形魂制魔保舉度品南宮死魂受鍊仙化成人身身受度劫劫長存隨劫輪轉與天齊年永度三途五苦八難超陵三界逍遙上清上清之天

太黃皇曾天

帝鬱繼玉明

太明玉完天
清明河童天
玄胎平育天
元明文舉天
上明七曜摩夷天
虛無越衡天
太極濛翳天
南方八天
赤明和陽天
玄明恭華天
曜明宗飄天
竺落皇始天
虛明堂曜天
觀明端靖天
玄明恭慶天
太煥極瑤天

帝須阿那田
帝元育齊京
帝劉度內鮮
帝醜法輪
帝怙憎延
帝正定光
帝曲育九昌
帝理禁上真
帝空謠醜音
帝重光明
帝摩夷妙辯
帝阿那婁生
帝鬱密羅千
帝龍羅菩題
帝宛黎無延




西方八天
元載孔昇天
太安皇崖天
顯定極風天
始皇孝世天
太皇翁重浮容天
無思江由天
上揲阮樂天
無極曇誓天
北方八天
皓庭霄度天
淵通元洞天
太文翰寵妙成天
太素秀樂禁天
太虛無上常融天
太釋玉隆騰勝天

帝開真定光
帝婆婁阿貪
帝招真童
帝薩羅婁王
帝閔巴狂
帝明梵光
帝勃勃監
帝飄弩穹隆
帝慧覺昏
帝梵行觀生
帝那育醜瑛
帝龍羅覺長
帝捻監鬼神
帝眇眇行元

龍變梵度天
太極平育賈爽天

帝運上玄玄
帝大擇法門



三十二天三十二帝諸天隱諱諸天隱名天
中空洞自然靈章諸天隱韻天中之音天中
之尊天中之神天中大魔天中之靈九和十
合變化上清無量之奧深不可詳敷落神真
普度天人今日欣慶受度曆關諸天請滅三
惡斬絕地根飛度五戶名列太玄魔王監舉
無拘天門東斗注算西斗記名北斗落瓦南
斗上生中斗大魁捻監衆靈青帝護魂白帝
侍魄赤帝養炁黑地通血黃帝中主萬神無
越青天魔王巴元醜伯赤天魔王負天擔石
白天魔王反山六目黑天魔王監醜朗馥黃
天魔王橫天擔力五帝大魔萬神之宗飛行
鼓從捻領鬼兵麾幢鼓節遊觀太空自躡赫
奕諸天齊功上天度人嚴攝北豐神公受命



普掃不祥八威吐毒猛馬四張天丁前驅大
帥仗幡擲火萬里流鈴八衝敢有干試拒遏
上真金鉞前戮巨天後刑屠割鬼與風火無
停千千截首萬萬剪形魔無千犯鬼無妖精
三官北酆明檢鬼營不得容隱金馬驛呈普
告無窮萬神咸聽三界五帝列言上清
元洞玉曆龍漢延康眇眇億劫混沌之中上
無復色下無復淵風澤洞虛金剛乘天天上
天下無幽無冥無形無影無極無窮溟滓大
梵遼廓無光赤明開圖運度自然元始安鎮
敷落五篇志書玉字八威龍文保制劫運使
天長存梵炁弥羅萬範開張元網流演三十
二天輪轉無色周迴十方旋斗歷箕迴度五
常三十五分抵炁上元八景冥合炁八玄玄
玄中太皇上帝高真汎景太霞彌詠洞章金
真朗郁流響雲營玉音攝炁靈風聚烟紫虛

鬱秀輔翼萬仙千和萬合自然成真真中有
神長生大君無英公子白元尊神太乙司命
桃康合延執符把籙保命生根上遊上清出
八華房八冥之內細微之中下鎮人身泥丸
絳宮中理五炁混合百神十轉迴靈萬炁齊
仙仙道貴生無量度人上開八門飛天法輪
罪福禁戒宿命因緣普受開度死魂生身身
得受生上聞諸天諸天之上各有生門中有
空洞謠歌之章魔王靈篇辭叅高真
第一欲界飛空之音

人道眇眇	仙道莽莽	鬼道樂子
當人生門	天道貴生	鬼道貴終
仙道常自吉	鬼道常自凶	高上清靈爽
悲歌朗太空	唯願仙道成	不欲人道窮
北都泉曲府	中有萬鬼群	但欲遏人筭
斷絕人命門	阿人歌洞章	以攝北羅酆



束送妖魔精
我道日興隆

斬馘六鬼鋒

諸天炁蕩蕩

第二色界魔王之章



落落高章 明炁四騫 梵行諸天
周迴十方 無量大神 皆由皆身
我有洞章 萬遍成仙 仙道貴度
鬼道相連 天地眇莽 穢炁氛氛
三界樂子 過之長存 身度我界
體入自然 此時樂子 薄由我恩
龍漢蕩蕩 何能別真 我界難度
故作洞文 變化飛空 以試尔身
成敗懈退 度者樂人 笑尔不度
故為歌音

第三無色界魔王歌曰

三界之上 眇眇大羅 上無色根
雲層我我 唯有元始 浩劫之家

部制我界 統乘玄都 有過我界
身入玉虛 我位上王 佳御衆魔
空中萬變 穢炁紛葩 保真者少
迷惑者多 仙道難固 鬼道易邪
人道者心 諒不由他 仙道貴實
人道貴華 尔不樂仙道 三界那得過
其欲轉五道 我當復柰何

此三界之上飛空之中魔王歌音音參洞章
誦之百遍名度南宮誦之千遍魔王保迎萬
遍道倫飛昇太空過度三界位登仙公有聞
靈音魔王敬形勅制地祇侍衛送迎拔出地
戶五苦八難七祖昇遷永離鬼官魂度朱陵
受鍊更生是謂無量普度無窮有秘上天文
諸天共所崇泄慢墮地獄禍及七祖翁
道言此二章並是諸天上帝及至靈魔王隱
秘之音皆是大梵之言非世上常辭言無韻



麗曲無華宛故謂玄奧難可尋詳上天所寶
秘於玄都紫微上宮依玄科四萬劫一傳若
有至人齋金寶質心依舊格告盟十天然後
而付焉


道言夫天地運度亦有否終日月二星亦有
虧盈至聖神人亦有休否末學之夫亦有疾
傷凡有此灾同炁皆當齊心脩齋六時行香
十遍轉經福德立降消諸不祥無量之文普
度無窮

道言夫末學道淺或仙品未充運應滅度身
經太陰臨過之時同學至人為其行香誦經
十過以度尸形如法魂神迺上南宮隨其學
功計日而得更生轉輪不惑便得神仙
道言夫天地運終亦當脩齋行香誦經星宿
錯度日月失昏亦當脩齋行香誦經四時失
度陰陽不調亦當脩齋行香誦經國主有灾

兵革四興亦當脩齋行香誦經疫毒流行地
民死傷亦當脩齋行香誦經師友命過亦當
脩齋行香誦經夫齋戒誦經功德甚重上消
天灾保鎮帝土下攘毒害以度兆民生死受
賴其福難勝故曰無量普度天人
道言凡有是經能為天地帝主兆民行是功
德有灾之日發心修齋燒香誦經十過皆諸
天記名萬神侍衛右別至人剋得為聖君金
闕之臣諸天記人功過毫分無失天中魔王
亦保舉尔身得道者乃當洞明至言也
諸天中大梵隱語無量音
元始靈書中篇 道君撰

東方八天

亶婁阿耨 無起觀音 須延明首
法攬菩曇 稼那阿奕 忽訶流吟
華都曲麗 鮮菩育臻 荅洛大梵



散烟慶雲
無行上首
四象吁負
飛灑玉都
明魔上門
阿陀龍羅

南方八天

南閻洞浮
九靈推前
眇莽九醜
飛生自騫
靈持無鏡
神纓自宮
玉眸洗洗
澤洛菩臺
韶謠緣邇
那育郁馥
攬姿運容
梵形落空
綠羅大千
雲上九都
摩羅法輪
馥朗廓奕

西方八天


刀利禪猷
大眇之堂
易邈無寐
華莫延由
無量扶蓋
婆泥咎通
流羅梵萌
宛首少都
九開自辯
浮羅合神
宛敷滌色
景蔚蕭岵
阿縵郁竺
阿那品首
玉誕長樂

栢空度仙

北方八天

攬無自育
形攝上玄
飛天大醜
龍漢瑛鮮
惡爽無品
幽寂度人
九日導乾
陀羅育邈
揔監上天
碧落浮黎
洞妙自真
坤母東覆
眇烝合雲
沙陀劫量
空歌保珎
元梵恢漠

道言此諸天中大梵隱語無量之音舊文字
皆廣長一丈天真皇人昔書其文以為正音
有知其音能齋而誦之者諸天皆遣飛天神
王下觀其身書其功勲上奏諸天萬神朝禮
地祇侍門大勲魔王保舉上仙道備剋得遊
行三界昇入金門此音無所不辟無所不穰
無所不度無所不成天真自然之音也故誦
之致飛天下觀上帝遙唱萬神朝禮三界侍



軒群妖束首鬼精自亡琳琅振響十方肅清
河海靜默山嶽吞烟萬靈振伏招集群仙天
無氛穢地無妖塵冥慧洞清大量玄玄也
元始靈書下篇 天真皇人撰

森角儲雲 九魂鍊晶 杳默窺玦
浮枚曰跡 鹿幾陽房 碧提鄭回
池滇黨負 歧道謁携 藻章變瑜
蘭泮璧瓌 亢滂野生 極中昆清
曜展洞涸 寂無眇凝 素倚虛羅
皇達元靈 炎鍍綽堂 太霄謠隅
歷遐薦漪 周局加圖 披堯蹊曠
觚亶渾都 戟芸荼炫 井欺持蒲
掌維迄儀 爽沈琅璫 扁屢益但
幽微畢雷 洎湟寔東 赤曜叢稽
玉玄演侯 栢渠至規 鎬正左適
婆泥煞靈 悲招均疆 洎南躔魁

靜夷損光 混元覺緣 道守岑遙
綿微知宣 太靈湮漠 曷和盧隨
招京常華 墟咸堅沙 栗鐸黜株
會衍球裴 卓雲青府 業觀般基
洼狹蒙甘 翠宇九蘭 蕭鈞連興
龍汾神關 溝淪沉魔 豁蠻析通
玄寒亢息 無知肆明 蟒脩吉夕
馥壇時吠 湯長敷昌 匪庸謹濟
朝康堅寬 祕法侈宜 廣帝理生
衛肇宏人

天真皇人梵炁玄遼天寶自然八合之音主
治世會地壘洪澤變灾厄難誦詠之者穰辟
妖祥清淨道炁無不寧也地官奉書百靈敬
畏神朱寫文服佩明驗施之於至學不宣於
下俗也

太極真人頌



神雲煥層虛 梵羅屯碧霄 元始九龍駕
出人按青輶 靈光集萬真 珠景開陽寨
出示靈寶篇 福德由是招 洞玄隱高巖
玉音泛雲璈 無量匪得思 道海生波濤
法義同消派 滋植成嘉苗 用以拯饑窮
教興衛中朝 帝尊壽億年 太平滅兵刀
稽首望玉宸 靈華散金毫
太上洞玄靈寶無量度人上品妙經


太上消穰火災經

尔時

靈寶天尊駕幸金僊壇上高德國中齋會群
仙講說太上玄元無極至道忽見下方世界
炎火熾然比屋連薨化為灾燼齋會既畢萬
神森衛諸侍催班風伯清塵雨師灑道隨從
天尊度至赤明天境赤靈神君與諸火部神仙

官屬羅列威儀獻百種異香丹英紫芝朱璠
絳節左右布肅迎拜道前
天尊曰汝等靈分三炁位屬丹天善惡攸專
行何賞罰赤靈神君稽首奏曰臣奉天命職
涖火官鑄育群生長養萬物歲或炎燎灾變
所臨氣運當然無僭無忒惟是隨其善惡別
以重輕欲警愚民亦行速報凡有不敬
天地三光者有不孝不忠者有欺曲升斗秤
尺者有惡倖情偽者有加意無厭於小民者
有暴積橫取者應一切為非不信報緣者部
有司察之神遊行人間並皆記錄考驗得實
即奏行天罰遣火部臨之使知自新知有省
畏為善種德者飭諸神屬不令侵犯今日有
幸得觀

天顏願為此方揄揚正教
天尊曰汝等威靈赫奕號令嚴明赤炁紅光



炎爍三界吾於金仙壇上高德國中見諸惡
緣故度此境吾今為汝宣演神呪將以流傳
於世若能改過遷善信奉經教有灾之日誦
此呪者汝等當為蠲除罪咎令保安全如遇
分野之內陽九應運災惑臨躔能誦此呪者
汝等六當救護我必應時開宥自然止息如
遇火精火怪妄入人家興諸禍殃能誦此呪
者汝等六當禁制毋使害虐良民即說呪曰
南方丹天 赤靈所專 威光烈燄
施化不偏 火龍一飛 照耀無邊
火馬一躍 萬里盤旋 火鷹一迅
鼓翼無前 火鈴一撼 洪音遠宣
火瓢一發 到處生煙 火劍一下
諸魔伏虔 火索一舉 百邪自纏
火旗一動 號令肅然 火節遙指
孰敢當權 盛德及物 長養生全

逆令反正

炎災灼天

鑒善不遺

削罪除愆

赤靈神君俯伏感謝而作偈曰

昔奉天尊敕

稟令守炎方

今奉天尊敕

聞善降吉祥

家有天尊呪

火部不為殃

家有天尊呪

火勢息威光

家有天尊呪

火恠自潛藏

家有天尊呪

諸魔自滅亡

家有天尊呪

灾厄自消禳

家有天尊呪

財物得昇昌

家有天尊呪

家宅保安康


作是偈已惟見法駕縹緲歸於玉京赤靈神

君與諸部屬瞻仰天光稽首奉送

太上消禳火災經

火官誥

乾元四品考校火官運符乾健德合離明居
太陽丹天之中統左府注生之籍盛德在火



炎帝持衡功參佐於三元炁運行於四月駕
赤龍而行南陸照明熒惑之宮燭朱陵而耀
丹臺煥赫文昌之府輝輝朗耀炳炳照臨大
悲大願大聖大慈赤皇上品三炁火官炎帝
真君洞陽大帝南丹紀壽天尊



太上玄靈北斗本命延生真經

太上老君以永壽元年正月七日在泰清境
上太極宮中觀見衆生億劫漂沉周廻生死
或居人道生在中華或生夷狄之中或生蠻
戎之內或富或貴或賤或貧輒假因緣墮於
地獄為無定故罪業牽纏魂繫陰司受苦滿
足人道將違生居畜獸之中或生禽蟲之屬
轉乖人道難復人身如此沉淪不自知覺為
先世迷真之故受此輪廻乃以哀憫之心分

身教化化身下降至於蜀都地神湧出扶一
玉局而作高座於是

老君昇玉局坐授與天師北斗本命經訣廣
宣要法普濟衆生是時

老君告天師曰人身難得中土難生假使得
生正法難遇多迷真道多人邪宗多種罪根
多諸巧詐多恣淫殺多好群情多縱貪嗔多
沉地獄多失人身如此等緣衆生不悟不知
正道迷惑者多我今哀見此等衆生故垂教
法為說良緣今使知道知身性命皆憑道生
了悟此因長生人道種子不絕世世為人
漸入仙宗永離輪廻超昇成道我故示汝妙
法令度天民歸真知命可以本命之日修齋
設醮啓祝北斗三官五帝九府四司薦福消
災奏章懇願虔誠獻禮種種香花時新五果




隨世威儀清淨壇宇法天像地或於觀字或
在家庭隨力建功請行法事功德深重不可
具陳念此

大聖北斗七元真君名號當得罪業消除灾
衰洗蕩福壽資命善果臻身凡有急難可以
焚香誦經剋期安泰於是說

大聖北斗解厄應驗曰

大聖北斗七元君能解三灾厄
大聖北斗七元君能解四煞厄
大聖北斗七元君能解五行厄
大聖北斗七元君能解六害厄
大聖北斗七元君能解七傷厄
大聖北斗七元君能解八難厄
大聖北斗七元君能解九星厄
大聖北斗七元君能解夫妻厄
大聖北斗七元君能解男女厄



大聖北斗七元君能解產生厄
大聖北斗七元君能解復連厄
大聖北斗七元君能解疫癘厄
大聖北斗七元君能解疾病厄
大聖北斗七元君能解精邪厄
大聖北斗七元君能解虎狼厄
大聖北斗七元君能解蟲蛇厄
大聖北斗七元君能解劫賊厄
大聖北斗七元君能解枷棒厄
大聖北斗七元君能解橫死厄
大聖北斗七元君能解咒誓厄
大聖北斗七元君能解天羅厄
大聖北斗七元君能解地網厄
大聖北斗七元君能解刀兵厄
大聖北斗七元君能解水火厄
於是七元君大聖善通靈



濟度諸厄難
若之急告者
盡憑生百福
三魂得安健
五方降真炁
長生超八難
生生身自在
善似光中影
三元神共護
無灾六無障
老君曰北辰垂象而衆星拱之為造化之樞
機作人神之主宰宣威三界統御萬靈判人
間善惡之期司陰府是非之目五行共稟七
政同科有迴死注生之功有消灾度厄之力
上至
帝王下及庶人尊卑雖則殊途命分俱無差
超出苦衆生
持誦保安平
咸契於五行
邪魅不能停
萬福自来并
皆由奉七星
世世保神清
應如谷裏聲
萬聖眼同明
永保道心寧

別凡夫在世迷謬者多不知身屬北斗命由
天府有灾有患不知解謝之門祈福祈生莫
曉歸依之路致使魂神被繫禍患來纏或重
病不痊或邪妖刻害連年困篤累歲連遭塚
訟徵呼先亡復連或上天譴責或下鬼訴誣
若有此危厄如何救解急須投告北斗醮謝
真君及轉真經認本命真君方獲安泰以至
康榮更有深妙不可盡述凡見北斗真形頂
禮恭敬

北斗第一陽明貪狼太星君子生人屬之
北斗第二陰精巨門元星君丑亥生人屬之
北斗第三真人祿存真星君寅戌生人屬之
北斗第四玄冥文曲紐星君卯酉生人屬之
北斗第五丹元廉貞罡星君辰申生人屬之
北斗第六北極武曲紀星君巳未生人屬之
北斗第七天關破軍關星君午生人屬之



北斗第八洞明外輔星君
北斗第九隱光內弼星君

上台虛精開德星君

中台六淳司空星君

下台曲生司祿星君

如是真君名號不可得聞凡有見聞能持念者皆道心深重宿有善緣得聞持誦其功德力莫可稱量若正信男女值此真經智慧性圓道心開發出羣迷迤入希夷門皈奉真宗達生榮界於三元八節本命生辰北斗下日嚴置壇場轉經齋醮依儀行道其福無邊世生生不違真性不入邪見持經之人常持誦七元真君所屬尊號善功圓滿下降吉祥即說

北斗呪曰

北斗九辰

中天大神

上朝金闕

下覆崑崙

調理網紀

統制乾坤

大魁貪狼

巨門祿存

文曲廉貞

武曲破軍

高上玉皇

紫微帝君

大周天界

細入微塵

何災不滅

何福不臻

元皇正氣

來合我身

天罡所指

晝夜常輪

俗居小人

好道求靈

願見尊儀

永保長生

三台虛精

六淳曲生

生我養我

護我身形

魁魁魍魎

魍魎尊帝急急如律令敕

老君曰凡人性命五體悉屬本命星官之所


主掌本命神將本宿星官常垂蔭佑主持人

命使保天年凡俗無知終身不悟夫本命真

官每歲六度降在人間降日為本命限期有

南陵使者三千人北斗真君七千神將本命

真官降駕衆真悉來擁護可以消灾懺罪請



福延生隨力章醮福德增崇其有本命限期
將至自身不知不設齋醮不修香火此為輕
生迷本不貴人身天司奪祿減筭除年多致
天喪迷誤之者雖遇經訣懷不信心毀謗真
文如此之人身謝之後淪沒三塗漂沉諸趣
永失人身深可悲哀自致斯苦若本命之日
能修齋醮善達天司一世於本命限期開轉
真經廣陳供養使三生常為男子身富貴聰
明人中殊勝其有生身果薄雖在人中貧窮
下賤縱知本命無力修崇能酌水獻花冥心
望北極稽首禮拜念本命真君名號者亦不
虛過本命限期皆得延生注福繫係人身灾
厄蠲除獲福無量天師歡喜踊躍作禮讚歎
難可得遇無上法橋
老君重告天師曰世人罪福善惡皆屬天司
懺罪消灾莫越修奉遇本命生辰告身中元

辰驛馬削落三菑九厄保見今眷屬安寧凡
有上士於本命生辰持此真文者外伏魔精
內安真性功霑水陸善及存亡悔過虔恭漸
登妙果重立玄功證虛無道乃得聖智圓通
隱顯莫測出有入無逍遙雲際昇入金門與
聖合真身超三界永不輪轉壽量無窮快樂
自在凡有男女於本命生辰及諸齋日清淨
身心焚香持此真文自認北極本命所屬星
君隨心禱祝善無不應灾罪消除致感萬聖
千真俱來衛護此文所在之處千真敬禮萬
聖護持魔鬼潛消精靈伏匿世有灾殃悉皆
消滅是名北斗本命延生經訣乃修真之徑
路得道逍遙皆因此經證聖成真皆因此經
出離生死皆因此經保護男女皆因此經保
命延年皆得自在永為身寶福壽可稱保而
敬之非人勿示



老君說經將畢龍鶴天仙來迎還於玉京是
時天師受得妙法而作是言誓願流行以傳
善士若有男女受持讀誦我當與十戒仙官
所在擁護於是再拜



老君而說贊曰

家有北斗經 本命降真靈
家有北斗經 宅舍得安寧
家有北斗經 父母保長生
家有北斗經 諸厭化為塵
家有北斗經 萬邪自歸正
家有北斗經 營業得稱情
家有北斗經 闔門自康健
家有北斗經 子孫保榮盛
家有北斗經 五路自通達
家有北斗經 眾惡永消滅
家有北斗經 六畜保興生



家有北斗經 疾病得痊癒
家有北斗經 財物不虛耗
家有北斗經 橫事永不起
家有北斗經 長保亨利貞
老君曰善哉善哉汝可宣揚正教福利無邊
普及眾生永霑勝善天師稽首禮謝信受奉
行

太上玄靈北斗本命延生真經

太上說南斗六司延壽度人妙經
老君告天師曰此經乃九天八會之真文三
洞三清之上道元始天尊昔經歷于七億萬
劫天地始終人倫生死五運遷變萬彙興衰
而天尊於今猶宴居景雲之上上清之境修
鍊至真敷揚妙道愍念群生大慈不捨吾昔
得傳付是經今當授之於汝汝宜選奉道之



士謹修行之人天陽地陰一合而生成兩曜
兩曜行度五緯周天是謂七政則七星九元
北斗也每以杓隨月建分指節氣二十四氣
二十八舍應下土七十二候三十六禽舍中
有斗宿六星是則號南斗六司與北斗七政
分職共理三才六合八卦九宮總轄中外百
辟官品乃紫微太微兩極都曹也上係十二
分次天真靈神下統十二分野地祇主者四
瀆五嶽九州八紘名山大川城隍社廟中及
人民羣類萬物無不計係其簿籍掌握世人
善惡矣北斗位處坎宮名同月曜降神於人
名之為鬼也主司陰府宰御水源將濟生聚
功莫大焉南斗位處離宮名同日曜降神於
人名之為魂也主司陽官宰御火帝將濟動
用德莫大焉洎有天地迄至于今二司兩極
同共陶鑄萬品生成萬物注擬天人之爵秩
增減士庶之祿俸延促年齡去留灾福莫不
由其與奪也所以然者乃知陽日陰月南北
二司魁斗體道德而垂光物得而豐也非此而
孰能乎人得而生也非此而孰為乎是故天
尊殷勤嗟憫觀尔含靈一如赤子闡救護
令保生性其救護法使一切善男善女不以
高卑皆應志心常當恭敬若或時觀日曜月
曜南斗北斗則鄭重叩頭請乞祐護願賜恩
福上言呼稱至聖至尊真宰真君矜哀凡冗
宥赦過咎即再拜不得懷於輕慢反招殃累
老君曰爾等男女能依吾所授奉教而行者
若有所告請欲消灾度厄增福延年保家屬
之團圓祝封疆之寧謐或欲免息塚訟削死
注生皆當上章投詞設醮求請無不如意也
爾時



老君為天師重宣言曰

南斗火官除毒害

北斗水神滅凶灾

一切所求皆稱遂

萬般滯悶悉通開

能依經法冥心醮

必當隨願契靈臺

凡在有情常頂禮

禍厄無因輒敢來

老君曰神真之妙凡世難言凡夫愚昧貴遠

賤近近者身也目見日月星斗耳聞風雷韶

雅鼻嗅蘭麝腥臊舌了甘辛酸苦口宣言語

音響至於手執足行自生及老皆不可離水

火今凡夫見之若不見聞其言如甚憤殊不

知成立生性皆是天地日月星斗與之假如

四大正茲一氣生生之生全繫水火水火比

於道之真體故不可暫離可離而獲存者非

物非人吾今叮嚀與在世男女說此要道普

令發心求請醮獻知有神真信吾教示更能

於四時月旦八節十二氣三元三會五臘本

命是諸良時吉日皆可上章拜表投詞獻款
請乞恩福懺罪消灾然燈獻果供養禮拜其
福無量也

南斗第一天府司命上相鎮國真君

南斗第二天相司錄上相鎮嶽真君

南斗第三天梁延壽保命真君

南斗第四天同益算保生真君

南斗第五天樞度厄文昌鍊魂真君

南斗第六天機上生監簿大理真君


如是六星真君六星童子火鈴將軍凡人轉

誦此經切須至誠虔心禱祝無不應驗唯在

精勤拜表上章真聖自降必獲延年長生道

性

老君曰此六司真君神性急速能傾心求請
無願不從神真感人心隨事皆諧偶也夫萬
行之本一身之根在乎道氣保固形命形命



保固在乎教法教法存乎科儀之細密聲發
響應形動影隨形從心移發足動步神靈微
妙也南斗北斗陶魂鑄魄魂既受鍊乃遷轉
生人能依吾教法謝已往之非補將來之短
洗滌衆災拜迎百福唯在嚴潔崇敬罄志投
誠必獲度世之仙道共日月之同年若有深
信之士能修設兩極二斗同醮一壇各像斗
星立壇柱列香燈鋪排淨茶供獻果食果食
可糖餅油餅荷蒸乳蒸煎棗湯細茶不須酒
脯此最為要道以斯迎請神真真聖歡喜降
臨速得賜其福佑
老君演此真妙經竟正一天師與弟子王長
座前再拜禮謝謹奉
道旨廣為傳行

太上說南斗六司延壽度人妙經

太上泰清天童護命妙經
太上曰皇天生我皇地載我日月照我星辰
榮我諸仙舉我司命與我太一任我玉宸召
我三官保我五帝衛我北辰相我南極佑我
北斗輔我金童侍我玉女從我六甲直我六
丁進我天門開我地戶通我山澤容我江河
渡我風雨送我雷電隨我八卦遵我九宮遁
我陰陽宗我五行扶我四時成我我命著我
太清玄籍三宮升降上下往來無窮不息金
飯玉漿向求皆至虛梵日月與天為誓醺醺
魁魁魁魁星所求者得所向者亨所為者
合所欲者成種種變化與道合真何神不使
何令不行前有朱雀後有玄武左有青龍右
有白虎上頂華蓋下躡魁罡神通光嚴威鎮
十方愛我者生惡我者殃謀我者死憎我者
亡靈童神女破邪金剛三千六百常在我傍

執節捧符與我同遊太上攝景天大吉昌二
十四將與星曆俱急急如律令
太上泰清天童護命妙經

太上正一天尊說鎮宅消灾龍虎妙經

爾時聖祖元始天尊在玉清聖境太上道君
太上仙境太上老君玉皇上帝天皇大帝北
極紫微大帝紫微天皇大帝先天聖母后土
皇帝一切五方五帝星君東方木帝星君南
方火帝星君西方金帝星君北方水帝星君
中央土帝星君三十六洞神仙八十一萬真
人年直月直日直時直使者太陽星君太陰
星君羅睺星君計都星君森羅萬象二十八
宿星君天地水府三官四聖元帥真君奉行
六丁六甲左手執印右手仗劍含光辟人天
師有二十四萬神將人人咬牙箇箇爭能生

於虎頭氣若風雲颺起雲沒虎鎮雷聲節鑼
相隨吏法神兵忽見人家宅上或有邪魔魍
魎之鬼血腥癆病之鬼投井自繫之鬼一切
鐵甲棒打火輪繞身縛手鎖脚搏磨為塵一
切妖精趕離宅門東堂西舍卧房樓閣宅園
之內細意搜尋或有人家脩蓋宅舍打墻動
土移門改户眠夢顛倒睡卧不安樹木枯竭
不於禁忌不選良時觸犯土公土母驚動六
神惱害作禍踏磨傷身至心焚香生日看此
經壽命得長生本命看此經灾病得離身病
人看此經早得離床枕甲子看此經行住坐
護身逐日看此經百事稱其心夜夢看此經
睡卧得安寧獄中看此經枷鎖早離身難月
看此經陰陽早降生每月甲子本命之日看
此真經種種香花時新五果志心供養或注
生死上至帝王下及庶人信受奉行



魁魘魘魘魘魘
水火盜賊俱死滅

斬盡邪魔辟盡妖
官灾病患一時消

急急如律令

太上正一天尊說鎮宅消灾龍虎妙經

元始天尊說十一曜大消灾神呪經
爾時

元始天尊在大羅天上玉京山中騫林樹下
鳴大法鼓扣大法鐘普集十方三界諸天諸
地日月星宿一切聖衆為說過去未來一切
衆生善惡報應灾福因緣時於座中有一真
人名曰青羅即於座起瞻仰
尊顏稽首再拜長跪而言弟子夙生慶幸得
遇人天伏遇

天尊大慈設大法橋廣為衆生說諸因緣令
得開悟普入法門臣今下觀慾界衆生以何


因緣四時之中橫遭刑獄一生之內疾病纏
綿或分野州縣水火災荒兵戈競起疫疾流
行臣今未悟幸望

天尊特開慈憫以釋愚蒙

天尊隱几而言奇哉青羅能為衆生問諸緣
業切以慾界衆生輪迴生死沉溺愛河唯務
貪生不修正道不知有五行推運十一曜照
臨主其灾福至如土火留伏金木凌犯羅計
勃逆日月薄蝕致以州縣播遷人民灾難水
火蟲蝗刀兵相犯悉皆由也凡以衆生託蔭
為人皆稟陰陽造化或貴或賤或富或貧定

分雖殊灾福一矣至如

帝王國主后妃臣僚係於紫微垣中各有品
位五嶽四瀆乃如分野一切人民屬於日月
五星照臨吾今示汝下觀星斗看其行度如
有五星不順凌犯官宿照臨國土及諸分野



災難競起疫毒流行兆民死傷速令塑繪十
一曜形儀於清淨處建立道場嚴備香花燈
燭請命道士或自持念十一曜大消灾神呪
經一七日二七日或三七日修齋行道禮念
懺悔即得上消天灾保鎮帝土下攘毒害以
度地民汝宜聽信轉轉教人受持讀誦青羅
真人叩頭再拜上告
天尊伏願大慈廣為宣說是時
天尊即說十一曜大消灾神呪
九星都呪
九曜順行元始徘徊華精瑩明
元靈散開流盼無窮降我光輝
上投朱景解滯豁懷得馭飛霞
騰身紫微人間萬事令我先知
五星神呪
五星列照煥明五方水星却灾

木德致昌熒惑消禍太白辟兵
鎮星四據家國利亨名刊玉簡
字錄帝房乘飈散景飛騰太空
出入冥無遊宴十方五雲浮蓋
招神攝風役使萬靈上衛仙翁
太陽真君神呪
東望扶桑宮稽首朝鬱儀太陽洞明景
察察何所思令我拜金色候天望英姿
皇華將玉女臨軒降此時
太陰真君神呪
仰望顧八表惟月孕陰精中有太素皇
夫人駕綠輶耀華光二極混明照三清
懇懃求至道五色下來迎
木星真君神呪
歲星乘木德展轉耀東鄉凌天姿潤澤
正色澠明皇尋華歌浩漾擲水詠芝房

經時頻禱祝 獲福自然長

火星真君神呪

芒角森龍鳳 威光叱十方

朱火焰三邊 晶明符正炁

攬搶應滅跡 字彗敢當前

金星真君神呪

太白凌清漢 騰霜耀素英

皎皎盛長庚 鋒高能禦寇

推窮符曆數 合道與長生

水星真君神呪

妙哉符五炁 彷彿見辰門

壬癸洞靈君 分輝凝皎潔

仙歌將舞蹈 良久下金天

土星真君神呪

高穹符戊己 藏陸起重霄

九土見光昭 甘石推留伏

上仙垂雨露 伏地禮空搖

羅睺真君神呪

神首循黑道 冥冥超至靈

陽德晦陰精 高鎮黃旛闕

志心俟多福 稽首諷真經

計都真君神呪

處暗表陰德 豹尾鎮星宮

權雄暝太空 龍蛇生恠狀

主人長壽福 攘應在恪恭

紫炁真君神呪

授制宗元帝 含精耀紫微

幽顯閱靈機 玉輿登廣漢

四宿循周度 九土尊天威

月孛真君神呪

太陰光玉緯 精魄育羣生

鬱羅保素靈 毛頭分恠狀

丹劉耀五夜 劒戟煥兵權

亭亭浮瑞彩 色潤每降兵

嵯峨當丑位 肝蠻赴思存


五行尊暗曜 陶巫笑沈寒

暗明期朔望 矛戟耀霜鈴

怒拍摧山嶽 變異忽昏朦

陰陽乘運極 金鈴步斗飛

青桂黃華輔 彗尾或潛經



舍次流灾福 齋修洞杳冥

三啓頌三首

妙哉三洞響 寥寥何鈴鈴 尋聲若無有

運之不見形 響音洞十方 聽之不聞聲

又頌曰

大道湏人弘 遊心歸太空 朝禮運十方

昇度乘九龍 飄飄超三界 亦由雲中崇

又頌曰

吾師天中尊 超超無上皇 仰觀地維表

彷彿紫炎堂 巍我玄都室 但見仙人房

天尊告青羅真人曰此諸神呪若能虔心諷

誦即得星辰順度疾病消除社稷安寧人民

道泰青羅真人稽首再拜及諸仙衆聞說經

呪皆大歡喜作禮而退於是青羅真人下傳

世間推窮曆數信受奉行
元始天尊說十一曜大消灾神呪經

天蓬都元帥呪

天蓬天蓬 九元殺童 五丁都司

高刁北翁 七政八靈 太上皓凶

長顱巨獸 手把帝鐘 素梟三神

嚴駕夔龍 威劒神王 斬邪滅蹤

紫炁乘天 丹霞共衝 吞魔食鬼

橫身飲風 蒼舌綠齒 四目老翁

天丁力士 威南禦兇 天驕激戾

威北街鋒 三十萬兵 衛我九重

辟尸千里 祛却不祥 敢有小鬼

欲來見狀 鑢天大斧 斬鬼五形


炎帝烈血 北帝燃骨 四盟破骸

天猷滅類 神劒一下 萬鬼自瀆

急急如律令

天猷副元帥呪 猛烈諸侯 上佐北極


天猷天猷



帥野咖味伽吹吹發吹輪盤盤嘉律哈哈
嗜嗜誅誅伯靈和呖啼叱叱婆雅訶唵嘖嘖
囉囉咭叨唵如啼微吵三咪鳴唵吹呢啼嚙
啼訶啤呢啤呢嚙嚙吒訶一起雷車二起閃
電三起喧轟四起震動五起飛沙走石六起
狂風大霹靂急急如
玉皇上帝元降律令雷祖大帝勅

辟惡星呪
天上脩羅交戰日民遭劫火洞然時常遊日
月二天前獨立刀兵三界內威光赫奕妙相
圓融接引衆生超離諸苦大悲大願大聖大
慈九天雷祖大帝日宮太陽帝君月府太陰
皇君聖慧先天姥斗母紫光金尊聖德天后
摩利支天大帝圓明道母天尊
又呪

北斗九辰 中天大聖 上朝金闕
下覆崑崙 調理綱紀 統制乾坤
大魁貪狼 巨門祿存 文曲廉貞
武曲破軍 高上玉皇 紫微帝君
大周天界 細入微塵 何灾不滅
何福不臻 元皇正炁 來合我身
天罡所指 晝夜常輪 俗居小人
好道求靈 願見尊儀 永保長生
三台虛精 六淳曲生 生我養我
護我身形 急急如律令
魁魁魘魘魘魘尊帝急急如
太上老君律令勅
上台一黃 祛却不祥 中台二白
護我鎮宅 下台三青 治病除精
台星到處 大闡威靈



急急如律令

天蓬密呪

唵吽吽 嚩嚩 唵乾元亨利貞 攝煞攝歟 吒
 嚩飛吒 嚩神吒 嚩勑吒 嚩吒 嚩咭 唏吾奉雷
 霆勑煞攝謹請三天元帥四聖上尊天蓬天
 蓬九玄煞童五丁都司高力士翁七政八靈
 太上皓亮長鬚巨獸手把帝鐘素梟三神嚴
 駕夔龍威劒神王斬邪滅蹤紫炁乘天丹霞
 赫衝吞魔食鬼橫身飲風蒼舌綠齒四目老
 翁天丁力士威南禦亮天騶激戾威北銜鋒
 三十萬兵衛我九重辟尸千里祛却不祥敢
 有小鬼欲來見狀鑕天大斧斬鬼五形炎帝
 裂五帝燃骨四盟破骸天猷滅類神刀一
 下萬鬼自潰唵飛俱哪吒摩摩唎飛提唵
 山魑邪鬼速速昏昏昏迷攝急急如九天尙

父靈魁尊神天蓬都元帥律令勅勅攝魔靈
舍光太虛攝

卒天君誓章
 雷霆猛吏神
 忠勤佐帝君
 都督諸雷府
 大力夜叉羣
 吾奉玉帝勅
 吾當即現形
 請吾入地府
 四海波浪翻
 請吾投精怪
 帥將速通靈
 請吾度亡者
 共為玉帝臣
 威鎮九天庭
 湧身千萬丈
 風伯雷師神
 左右承天命
 能救世間人
 請吾上天界
 直至陰境宮
 請吾佐陽界
 摧破諸鬼營
 請吾攻病者
 亡者即超昇
 若犯天律者
 出入三界內
 號為雷部尊
 霹靂電光母
 輔弼五雷尊
 人若受持者
 朝奏諸帝君
 請吾入水府
 立便救衆生
 請吾命將帥
 病者即安寧
 與吾同終始
 九祖受毒刑

吾若負汝者 天上日月昏 地下泉源竭
草木俱不生 永為幽冥鬼 不能朝上清
壬癸吾降日 受持當要勤 淨茶棗湯獻
桃木香上焚 吾在左右現 安心不得驚
共汝發弘誓 誓願救眾生


滅魔章

仰啓青華太一宮 都督尚書騎火龍
有辛至漢秉義忠 正直為吏劉公忠
天詔飛入玉穹隆 鐵帽崢嶸響太空
藍袍雲結翠蒙茸 朱髮藍身口血紅
手執鐵筆吐火風 玉皇賜簿掌善惡
九天考較在汝躬 注福定命壽無窮
不忠不孝不相容 不仁不義不得終
山精水怪泉蠅蠓 依草附木衆惡兇
吼風嘯雨雲霧衝 誅斬過逆奏高穹

一聲霹靂滅其蹤 敢有妖邪來西東
不行正道恣奸雄 聞吾滅魔章感通
速出巽戶疾如風 黑雲暗雨驅先鋒
飛沙走石降流虹 統領天雷莫不從
誅精誅怪誅癩疥 救病救苦救疲癯
玉皇親責興都功 飛符三界萬神恭
手提孤滯出羅鄴 力揭沉痾歸陶鎔
滅魔章誦響玲瓏 枯木惡廟化灰蓬
天下民歸清淨中 惟願我道日興隆
惟願我道日興隆

元始善巧清和開諦法門一百大吉祥檀熾
鈞玉音神呪

普光弘濟尊 太玄真一心
大洞丹泓効 清和吉祥音
始始始三炁 吉祥檀熾鈞




梵音大梵炁
天音淨妙音
帝心三昧音
玉音芳華彩
虛音道光師
無音妙通玄
道祖內音宣
太乙元皇音
上音妙行音
金音無等音
九靈玉母音
東父神音華
伊音洞淵尊
泓洞靈音悲
騷音洞空香
輪音大龍光

吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞

風音八和神
翻音洞觀華
戰音洞明燈
凝除天帝音
獫音洞玄水
霽明太華香
核音洞微果
抽音洞靈芽
淼泓効中音
洞源金醴燦
瓊瑰玄膺味
饋欵金飯音
洞虛黃元糧
紫珎八和飡
緇音大明輪
禳侑音法財

吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞





磨音慈父章
星斗晨皇音
雕薔妙香音
蘅薇大玄香
內香中帝香
清景玉宸香
真香洞神香
神音太清謠
妙門真定香
氛母嚴華香
聖音天寶皇
真帝靈音生
仙王神寶音
師寶玄中音
歌周音大明
効音姿晞陽

吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞

洞清無盡資
驪珠吉光福
觚斟元母音
洞真天帝衣
黃裳紫光裙
樞堂金母音
蓮艘婆景音
盤音紫光裙
機音大圓通
龜音妙天花
猷音烏龍飛
光音大真如
寶月清宸音
本日慧明光
晶羅頤力音
注音太原謨

吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞




驃音玉華涼
象音上德音
初音大吉祥
冥寂玄通音
深音高觀王
應音南長生
清和妙化音
傲睨音八華
福音壽仙王
稟無清帝音
慶雲始老音
郁麗菩郁音
阿奕流吟音
荅慶大梵音
明上回玄音
吁負龍羅音

吉祥檀熾鈞
吉祥檀熾鈞
帝心檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞

洞浮生玉音
空靈澤洛音
綠羅雲飛音
那育魔羅音
鏡攬運容音
廓奕神纓音
禪猷白元音
婆尼宛敷音
梵萌蕭竭音
易邈無極音
郁竺宛首音
延由自辯音
品首扶蓋音
長桑栢空音
攬育上玄音
陀羅合雲音

吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞
吉祥檀熾鈞





飛天沙陀音 吉祥檀熾鈞
 瑛鮮和中音 吉祥檀熾鈞
 碧落浮黎音 吉祥檀熾鈞
 保真惡奕音 吉祥檀熾鈞
 洞妙恢莫音 吉祥檀熾鈞
 人心擇那音 吉祥檀熾鈞
 大洞無量音 吉祥檀熾鈞
 玄功三千圓 妙行八百齋
 貴品生芝英 丹碧靈寶輝
 圓滿證十通 舉形昇三微
 元始善巧清和開諦法門一百大吉祥檀熾鈞
 鈞玉音神呪

